

摘藻堂四庫全書薈要

子部

欽定四庫全書薈要

子部  
御定淵鑑類函卷一百八十九

詳校官兵部主事 臣 雷純

欽定四庫全書薈要卷一萬一千五百五十六

子部

御定淵鑑類函卷一百八

設官部四十八

行臺省

節度使

總督

巡撫

繡衣直指

巡按御史附

行臺省

  
原杜氏通典曰行臺省魏晉有之昔魏末晉文帝討諸

葛誕散騎常侍裴秀尚書僕射陳泰黃門侍郎鍾會等

以行臺從至晉永嘉四年東海王越帥衆許昌以行臺

自隨是也

越請討石勒表  
以行臺隨軍

及後魏謂之尚書大行臺別

置官屬

後魏道武帝置中山行臺以秦王儀爲尚書令以鎮之孝文永熙三年以宇文泰爲大行臺以

蘇綽爲行臺度支尚書

北齊行臺兼統民事自辛術始焉

武帝八年辛術

爲東南道行臺東徐州刺史郭志殺郡守文宣聞之勅街曰江淮初附百姓難向京師留卿爲行臺亦欲理邊民冤枉監理牧守自今以後所統十餘州地諸有犯法者刺史先啟聽報以下先理後表齊代行臺兼總民事

自術始也

其官置令僕射其尚書丞郎皆隨時權制

江左無行臺惟

梁末以侯景爲河南王大行臺承制如鄧禹故事

隋謂之行臺省有尚書令僕

射

左右任置

各一人主事四人有考功

兼吏部主爵司勳

禮部

兼祠部主

客膳部兵部

兼職方

駕部庫部刑部

兼都官司門

度支

兼倉部金

部工部屯田

兼水部  
虞部

侍郎各一人每臺置食貨農圃武

器百工監副各置丞

食貨四人農圃一人  
武器二人百工四人

錄事等員

食貨

農圃百工等各  
二人武器一人

蓋隨其所管之道置於外州以行尚書

事唐初亦置行臺員觀以後廢其後諸道各置採訪等

使每使有判官二人兼判尚書六行事亦行臺之遺制

節度使一

原杜氏通典曰按唐分天下州縣制爲諸道每道置使

治於所部

即採訪使防  
禦等使也

其邊方有寇戎之地則加以旌

節謂之節度使自景雲二年四月始以賀拔延嗣爲涼

州都督充河西節度使其後諸道因同此號得以軍事

專殺行則建節府樹六纛外任之重莫比焉本皆兼度

支營田使開元九年十一月勅其河東河北不須別置

並令節度使兼統開元中凡八節度使

磧西河西隴右朔方河東幽州

劔南嶺南此八節度也後更增加兼改名號

蓋古之持節都督自至德以來

天下多難諸道皆聚兵增節度使爲二十餘道其非節

度使者謂之防禦使以採訪使并領之採訪理州縣防

禦理軍事初節度與採訪各置一人天寶中始一人兼領之乾元中又置都統使監總管諸道或領三道或領五道皆古方岳牧伯之任也上元末省都統後又改防禦使爲都團練守捉使皆主兵事而無旌節僚屬亦減有副使一人掌貳使事判官二人分判軍事自永泰以來都團練使稍有加置參謀者若朝覲則置留後擇其人而任之宋武帝起義討桓玄既平京口向建業以孟杲爲長史總攝後事及討司馬休之伐荊州以中軍將

軍劉道鄰監留府事皆留後之任也自後無代無之不

復徧舉 增合璧事類曰後漢劉虞爲幽州牧就拜大

司馬公孫瓚討烏桓詔令授虞節度晉伐吳詔王濬受

杜預王渾節度唐自武德至天寶以前邊防之制其軍

城鎮守捉皆有使而道有大將一人曰大總管已而又

曰大都督至太宗時行軍征討曰大總管在其本道曰

大都督自高宗永徽以後都督帶使持節者謂之節度

使然猶未以名官景雲二年以賀拔延嗣充河西節度

使自此以後接乎開元天寶之間朔方隴右河東河西諸鎮皆置節度使緣邊之地凡八節度外任之重無比焉至德以後天下用兵中原刺史亦循其例受節度使之號若諸州在節度使內者皆節度焉宋節度使並兼管內觀察處置等使以本州刺史長史爲節度觀察等使不臨本部者以它官知判州府事防禦團練使刺史不赴本任亦如之故事節度使不帶使相位在卿監下至乾德五年陞節度使班在龍墀內金吾將軍上太平

興國二年以節度向拱張永德並授左衛上將軍張美  
左驍衛上將軍皆罷節度節度使無定員恩數與執政  
同初除鎖院降麻禮尤異焉祖宗以待宗室近屬外戚  
國壻年勞久次若外任除殿帥始授此官亦止一員或  
功勲顯著任帥守於外及前宰執拜者不輕授政和以  
後宦官秉節鉞者蓋八員戚里以濫恩破格橫遷者亦  
時有之政和二年詔節度使以下更不帶持節字只稱  
某軍節度舊制每除必曰使持節某州某軍事某州刺

史充某州節度某州管內觀察處置等使政和中詔正  
任節度觀察留後防禦使團練使刺史不帶持節五年  
又詔內侍官非緣制禮樂及開拓一路不除節鉞節度  
使旌節門旂二龍虎旌一節一麾鎗二豹尾二凡八物  
旗以紅繒爲之上爲塗金銅龍頭以揭旌加木盤節以  
金銅葉爲之盤加龍絲爲龍旌麾槍亦施木盤豹尾畫  
豹文皆以髹漆爲杠文臣以朱武臣以墨旗則綢以紅  
繒節及麾槍則綢以碧油故謂之碧油紅旆受賜者藏

於公宇私室別爲堂號節堂每朔望次日祭之號衙日  
唐制有六燾今無也 續文獻通考曰遼北面著帳郎

君有節度使所掌非軍民事南面節度使設官甚衆遼  
二百餘年城郭相望田野益闢冠以節度承以觀察防  
禦團練等使分以刺史縣令大畧採用唐制其間宗室  
外戚大臣之家築城賜額謂之頭下州軍惟節度使朝  
廷命之後往往皆歸王府 金諸州鎮置節度使掌鎮  
撫諸軍防刺總判本鎮兵馬之事兼本州管內觀察使

事其觀察使所掌並同府尹 元都總管之職蓋節度使也所掌事各不同 明無

節度使二

增唐史曰天寶四載以朔方節度使王忠嗣兼河東節度使忠嗣鎮方面專以持重安邊爲務軍中日夜思戰多遣間諜見可勝然後興師故出必有功邊人以爲自張仁亶之後將帥皆不及 又曰天寶中以高仙芝爲安西四鎮節度使仙芝本高麗人從軍安西驍勇善騎

射累官四鎮節度使 合璧事類曰封常清明皇時爲

北庭都護持節伊西節度常清性儉出軍乘驃私廐裁

二馬賞罰分明 唐史曰代宗時僕固懷恩叛以郭子

儀爲河中節度等使懷恩將士皆曰吾輩從懷恩爲不

義何面目見汾陽王乎 又曰永泰中李抱真爲澤潞

節度副使抱真籍民每三丁選一壯者使農隙習射歲

暮都試比三年得精兵二萬遂雄視山東爲諸道最

合璧事類曰韓滉爲鎮海軍節度使綏輯百姓境內稱

治帝在奉天淮汴震駭澆分兵戍河南帝狩梁州又獻  
縑十萬匹以鎮兵三萬助討賊 唐史曰曹王臯爲江

西節度使時南方藩鎮各閉境自守惟臯數遣使間道  
貢獻 又曰賈耽爲山南東道節度使遣行軍司馬樊

澤奏事行在澤既復命有急牒至以澤代耽牙將張獻  
甫怒請殺澤耽曰天子所命即爲節度使矣即日離鎮  
以獻甫自隨軍府遂安 又曰畢誠爲邠寧節度使時  
党項擾邊帝與誠論邊事誠陳方略帝曰不意頗牧近

在禁庭遂命誡招党項降之 又曰李愬爲唐鄧節度  
使得吳元濟將李祐待以客禮署散兵馬使出入帳中  
同宿密語有竊聽者但聞祐感泣聲 又曰憲宗時以  
裴度兼彰義節度使時討淮西四年不克議者欲罷兵  
度獨無言帝問之對曰臣誓不與賊俱生請自往督戰  
帝悅從之 又曰柳公綽爲山南東道節度使有二吏  
一犯贓一舞文公綽判曰贓吏犯法法在奸吏亂法法  
亡竟誅舞文者 又曰夏綏節度使李祐進馬侍御史

溫造彈之祐曰吾夜半入蔡州城取吳元濟未嘗心動  
今日膽落於溫御史矣 又曰牛僧孺罷爲武昌節度  
使過襄陽節度使柳公綽服橐鞬候於館舍將佐以此  
禮太過公綽曰奇章公甫離台席方鎮重宰相所以尊  
朝廷也竟行之 又曰李德裕爲西川節度使至鎮作  
籌邊樓練士卒葺保障積糧儲以備邊蜀人粗安 宋  
史曰趙贊爲彰武節度使贊至延州前後分置步騎使  
緜緜不絕所部羌渾來迎相視奪氣莫不畏服 又曰

宋主命忠武節度使王全斌等伐蜀全斌等乘勝而前  
蜀兵大潰

節度使三

增戎閫

將壇

合璧事類曰唐刺史兼都知兵馬使制云兼副戎閫又曰裴度四登將壇

牙璋

龍節

唐行軍司馬制務贊牙璋常衮集龍節蜺旌降於天下鸞書翠軸錫在掌中

持幢

賜器

唐職林自至德後方鎮降拜必遣內使持幢節就策合璧事類曰牛僧孺爲

山東道節度賜彝樽龍勺詔曰精金賜器以比况君子

設壇

授鉞

元微之制設壇而拜

授鉞以征白居易制授鉞開府殿我漢南

震兩河

控萬里

合璧事類曰郝士美

討王承宗遣大將王獻督萬人爲前鋒獻暴橫士美斬以徇下鼓之大破賊憲宗喜曰固知士美能辦吾事承宗大震懼會詔班師威震兩河又曰王忠嗣佩四節度印勁兵重地控制萬里

撫封率長

進善詰奸

除節度使制統節制之師貞否臧之律撫其四封率彼五長又旌惟進善節以詰

奸

南裔肅然

蜀風大變

合璧事類曰宗室復轉嶺南節度使時安南經畧使

高平正張應繼卒其佐李元度胡懷義等肆爲奸賊復至誘懷義杖死流元度南裔肅然又曰蜀人多鬻女爲人妾李德裕爲著科約凡十三以上執三年勞下者五歲及期則歸之父母毀浮圖私廬數千以地爲農先主祠旁有獠村其民剃髮若浮圖者畜妻子自如德裕下令禁止蜀風大變

江漢爲固

南夏以完

唐書曰宗室臯遷荆南節度使凡戰大小三十二未嘗敗江漢倚臯爲固合璧事類曰

魯炁拜襄鄧十州節度使時襄漢數百里舉無  
焦烟賊欲剽亂江湖賴炁扼其衝故南夏以完

謹身

節用 儉己寬民

又曰曲環改陳許節度二州比爲寇  
衝民苦剽鹵客他縣環謹身節用寬

賦斂檢條教不三歲歸者極負 又曰武元衡爲西川  
劔南節度使儉己寬民比三年上下完實蠻彝懷歸

交廣晏然 羌人皆順

又曰鄭從謹改嶺南東道節  
度先是林邑蠻內侵召兵進

援會龐勛亂不復遣而北兵寡弱從謹募土豪署其酋  
右戢爲約束使相捍禦交廣晏然 又曰畢誠爲邠寧

節度使遣吏諭羌人皆順時戍人嘗苦調饋乏誠  
募士置屯田歲收穀三十萬斛以省度支經費

解

臨洛圍 築平津堰

又曰李抱貞領昭義節度使田悅  
反圍邢及臨洛詔抱貞與馬燧合

神策兵救之敗悅於雙崗斬其將楊朝光遂解臨洛之  
圍 又曰李吉甫爲淮西節度使築富人固本二塘溉

田萬頃漕渠卑下不能居水乃築堤淤江以爲蓄洩名曰平津堰

斷山峻塹 治渠

築防

又曰張獻甫代韓游瓌領邠寧節度使邠寧軍素驕憚獻甫嚴因游瓌去遂縱掠邈范希朝爲帥都

將楊朝晟誅首亂者獻甫乃得入於是斷山峻塹選嚴要地築烽堡請復鹽州及洪門洛原鎮屯兵 又曰杜亞拜淮南節度治漕渠引湖築防得灌溉疏啟之道人皆悅賴 鼉集城門 烏蒲戟

架

又曰鄧景山拜青齊節度使徙淮南爲政簡肅有鼉集城門鄧班謂景山曰鼉介物也失所次金從草之

象其有兵乎未幾宋州節度使劉展反 又曰柳仲郢爲天平節度使仲郢爲諫議後每遷必烏集升平第庭樹戟架皆滿五日乃散 器械堅良 舉動安重 又曰

由是不復集卒於鎮

拜昭義軍節度使是時承討恒趙之後潞人彫耗祕至約出入番用度比四年器械堅良復爲完鎮 又曰來

瑱徙山南東道節度賊圍南陽急瑱舉動安重賊不得侵

四登將壇 六遷大鎮

又曰唐裴度四登將壇 又曰李愬六遷大鎮所據元壽舊宅一院而已

六開幕府 十

領節麾

又曰柳公綽為節度使六開幕府得人為盛 又曰唐李晟之子十領節麾

賜通

天犀

餞太液池

又曰裴度討蔡為彰義節度及行帝賜通天犀帶 又曰崔鉅罷相出為

淮南節度使 帝餞太液池

節度使四

增節樓

合璧事類曰唐節度使入境築節樓迎之以鼓角

師干

李絳制曰人參廟算出總

師干

總軍旅

唐百官志曰節度使總軍旅頗誅殺初授具帑抹兵仗詣兵部辭辭日賜雙旌雙節

行則建節樹六纛中官祖送次一驛輒以上聞

**護北門**

合璧事類曰唐裴度為河東節度使帝命

盧弘宣諭度曰為

**當聞寄**

又曰唐玄宗求良將委以河北之事問郭子儀子儀

朕卧護北門可也

薦李光弼堪

**親王領**

又曰唐開元中鄭王除安北大當聞外之寄都護充安撫河東關內隴右諸

蕃部落大使以親王遙領節度自此始

**宰相領**

又曰開元十四年河西節度使大知節度使

蕭嵩除同中書門下平章事節度

**更九鎮**

又曰唐柳仲郢父子

如故以宰相遙領節度自此始

**踐兩鎮**

又曰李愬徙節度鳳翔李師道反詔愬改武寧同日踐父兄兩鎮世皆以

更領九鎮節度

**嚴法令**

又曰令狐彰拜滑亳魏博節度使躬訓吏士檢軍力農法令嚴無或敢犯者

為

**有治名**

又曰唐薛嵩為相衛邢洛等三州節度使謹奉職業頗有治名

**商賈饒**

又曰徐甲

進嶺南節度使外蕃歲以珠璣香文犀浮海而至申於常貢之外未嘗賸索商賈充裕

誠信懷

唐袁滋本傳曰滋徙義成節度使滑用武地滋嚴備而推誠信務在懷來李師道田季安等畏服之

政

更惠恕

合璧事類曰王周歷貝州節度使時涇州張彥澤爲政苛虐民多流亡周乃更政惠恕問民疾

苦去苛弊共二十餘事民皆復歸歷四鎮皆有善政

政代寬簡

又曰張洪靜徙節宣武承韓洪

虐政後代以寬簡民便安之

推誠遇人

又曰張洎儀爲江陵節度使樸厚不知書推誠遇人

民皆便之

疏屢息災

又曰杜佑爲嶺南節度疏析屢開以息火災

黔人乞留

又曰李承約拜黔南節度使以恩信撫羣落數年當代去黔南人詣京師乞留爲再許一年

中人

嚴憚

又曰呂元膺改河中節度時方鎮多務爲姑息獨元膺秉正自持監軍及中人往來者無不嚴憚

衣冠全活

又曰劉闢反拜高崇文東川節度使擒之送京師崇文人成都凡衣冠被脅汙者崇

文咸悉爲全活之

南蠻如約

又曰劉潼拜昭義節度使徙西州時李福討南詔蠻兵不利潼

到鎮撫以恩信由是蠻皆如約

去牙兵饁

又曰郝士美充昭義節度使昭義自盧從史時日具

三百人饁以餉牙兵士美曰卒衛於牙職也安得廣費爲私恩乃罷之

誅舞文吏

又曰柳公

綽爲山南節度使誅舞文吏

子復入相

又曰李吉甫年五十節鎮淮南五十四復入爲相其

子德裕出鎮淮南亦復入相如父之年

子同受命

又曰田布弘正之子也弘正徙成德時以

布爲河南節度使父子同日受命

與弟秉節

又曰崔能授嶺南節度使與弟從皆同秉節

昭義兩節

唐書孟方立傳曰初昭義有潞邢洛磁四州至是方立自以山東邢洛磁三州爲昭

義節度而朝廷亦命李克修以潞州舊軍州畀之昭義之有兩節度自此始

### 節度用三印

事類祥符中上覽河南節度使知許州石晉奏用許州觀察印以問宰相王旦旦曰節度軍州三印兵仗則節度判官掌書記推官署狀用節度印印之田賦則觀察判官署狀用觀察印印之符制屬縣則大使判署用州印印之

### 降麻非故事

退朝錄曰唐制節大使除僕射尚書侍郎者謂之納節皆不降麻止

令舍人院草制天禧中丁謂自保信軍節度使除吏部尚書參知政事先是公在西閣時草制政和中韓公自武康軍節度使除工部尚書三司使降麻非故事也

### 三世節度一家

合璧事類宋吳璘子

提孫

### 四世節度二家

又錢忱高祖俶曾祖惟演父景緌鄭藻大父紳父成之子與裔

### 兄弟建節七家

又吳玠璘錢忱恂韋謙諱吳益蓋吳拱提吳琚環及李孝友等

### 父

子建節十三家

又劉光世父延慶錢忱父景臻邢煥子孝揚韋淵子謙吳玠子拱吳璘子挺郭

浩孫果楊存中子懷劉錡父武仲吳益子琚璉吳玠子環吳玠子曦

原方伯 元戎

上將 雄藩 轅門 幕府 分麾 授律 將星

人傑 鎮撫方城 藩屏邦國 節制諸侯 糾繩列

郡 有國柱石 予王爪牙 建牙大任 分閫重寄

作捍方隅 以獎王室 雄藩重寄 河洛要衝

外威荒服 內撫黎元 總元帥之任 殿天子之邦

蘊佐命之才 有經邦之策 當注意之朝 居建

牙之任 偶唐虞之代 立方召之勲

俱出白帖

節度使五

增詩唐德宗送徐州張建封還鎮詩曰牧守寄所重才  
賢生爲時宣風自淮甸授鉞膺藩維入覲展遐戀臨軒  
慰來思忠誠在方寸感激陳情詞報國爾所尚卹人予  
是資歡宴不盡懷車馬當還期穀雨將應候行春猶未  
遲勿以千里遙而云無已知 張籍送李僕射赴鎮鳳  
翔詩曰由來勲業屬英雄兄弟連榮列位同先入賊城

擒首惡盡封官庫讓元公旌幢獨繼家聲外竹帛新添  
國史中天子欲收秦隴地故教移鎮在扶風 劉禹錫  
送浙江李僕射赴鎮詩曰建節東行是舊遊歡聲喜氣

滿吳州郡人重得黃丞相童子爭迎郭細侯詔下初辭  
溫室樹夢中先到景陽樓自憐不識平津閣遙望旌旂  
汝水頭 張籍送李司空赴鎮襄陽詩曰中外兼權社

稷臣千官齊出拜行塵再調公鼎勲庸盛三受兵符寵  
命新商路雲開旗旆展楚堤梅發驛亭春襄陽風景由

來好重與江山作主人  
岑參送李太保兼御史大夫  
充渭北節度使詩曰詔出未央宮登壇近總戎上公周  
太保副相漢司空弓抱關西月旗翻渭北風弟兄皆許  
國天地荷成功

增制唐陸贄授渾瑊京畿金商節度使制曰王者之制  
安不忘危宏其道則文武齊政教其人則農戰兼務故  
雖縣內不可去兵况密邇寇虞平紀稔慝都邑郊甸騷  
然靡寧聿求信臣特建戎號濟人平難允屬勲賢具官

渾瑊忠貞博厚溫恭簡肅持重不撓好謀而成居業克  
敦其詩書受賜每陳於廊廡能推誠而撫下不伐已以  
拒人委任中外咸著聲績彞險一貫隱然殿邦朕越在  
郊垌偏於兇醜授之師律式是戎昭侍衛增嚴斥埃無  
棄檢身齊衆同士伍之勞苦敦陣整旅壯行列之威容  
靜以伐謀動而制勝臨危勵節予有賴焉王畿之內沃  
壤千里綿亘商嶺屏於南門觀風靖人詰禁誅暴俾爾  
兼領用孚於休 元稹授李愿檢校司空宣武軍節度

使制曰昔者魯侯伯禽徒以周公之故遂荒大東重耳以定傾之勞子孫不絕於晉昔我太師西平王在德宗時能復京邑書於鼎彝每懷宗廟之安實念江山之永而又繼有英哲克全令人惟弟惟兄莫非頗牧尚想德施於十代何憚恩積於一門具官李愿生長紈綺之中而素風自得蘊鬱驍勇之器而性與溫恭怡怡於叔季之間翼翼於班行之內始爲夏帥遂著能名旋領徐方會征淮右鄰寇陰狡將助鴟張來犯東郊冀延晷刻爾

乃提持戈戟淬礪卒徒一戰而蜂蠆盡殲不時而鴞獍  
就戮朕以浚郊重鎮尤藉良材俾爲司空以表東夏持  
我邦憲用清爾人夫九州四海非不廣也然而靈武魏  
博至於大梁斷長補短方數千里皆爾爲重又何加焉  
於戲睢陽在爾之東張巡效忠之城未毀彝門在爾之  
境侯羸報恩之蹟尚存又安知憧憧往來之徒不有以  
仁義匡於爾者爾服休命其惟戒之 白居易授王佖  
檢校戶部尚書靈鹽節度使制曰靖邊之要選將爲先

夫有統馭之才然後以制節度之任有撫備之畧然後以鎮彝夏之衝期乎懷遏寇虞慎固封域今予命爾時謂得人具官王佖忠厚立誠果斷效用慎始終而行有枝葉踐彝險而道無磷緇早練武經累從軍職頃逢多壘實佐元戎節著臨危功參定難位由勞致名以忠聞自列六卿且司七萃星霜屢變金石彌堅宜申命以北轅俾遏戎於南牧進地官以崇新命極勲秩以褒舊功中簡朕知外諧僉議况五原重鎮諸夏長城修戎政莫

先於威聲牧邊氓莫尚於惠實勉率是道往分朕憂歲時之間期於報政委望斯在爾其聽之 令狐楚授裴

度彰義軍節度使制曰輔弼之臣軍國是賴興化致理則秉鈞以居取威成功則分閫而出所以同君臣之體而一中外之任焉屬者問罪汝南致誅淮右蓋欲刷其汙俗予彼頑人具官裴度爲時降生協朕夢卜精辨宣力堅明納忠當軸而才謀老成運籌而智略前定司其樞務備知四方之事付以兵要必得萬人之心是用禱

於上蒼擇此吉日帶丞相之印綬所以尊其名賜諸侯之斧鉞所以重其命爾宜大布清問恢壯徽猷感勵連營蕩平多壘召懷孤疾字育彞傷爾往欽哉無越丕訓又授李愬山南東道節度使制曰伐叛除兇必俟乎奇略進封超位允答於殊庸具官李愬宗臣之嗣王國克生殺勇畜深溫良煦外禮樂戰攻之器默識其源詩書義理之府洞窺其室頃以懸瓠滔天宿兵既久方城壓境易帥頗頻永懷韜略之家必有弓裘之嗣將執金

鼓載持干旄果副眷求克揚威令推忠厚以感物本信  
惠而知人一其關心厲厥死力乘虛徑襲負雪兼行風  
驅如合於百神雷發若出於九地堅城立潰狡豎坐擒  
遺毗安堵以知歸餘黨釋甲而請命古之良將其孰過  
焉爰擇名部俾恢重藩自洛而遙惟襄爲大總八郡以  
澄清秉三軍之節制特遷左揆之尊崇茲天秩仍假南  
臺之長峻彼霜威表以勲階賜之茅社戶豐真食門貴  
延恩洽此寵榮從於茂烈 又授李光顏忠武軍節度

使制曰具官李光顏崆峒秀氣爲時生才謙和不流簡  
厚能斷本忠信以經武閱詩書以理戎首職北垣聲雄  
大鹵受命既平於朔野懸軍亦剪其巴庸朕以淮瀆負  
固歷紀稽誅自授兵符獨運明略分營先得其地險吞  
敵屢挫於賊鋒常下名城拔其趙幟制勝之術動合鬼  
神百戰表於亡軀一心注於報國歲月滋久堅誠不回  
當兇妖就執之初是潰黨乞降之際單騎以入其柵壘  
免胄而服其創殘納之不疑乃見全德今櫬槨已滅申

蔡無虞則報功顯秩位宜重於三台馭貴殊勲賦亦開  
於千乘陟論道之優禮獎述職之崇名爾其敬之無替  
舊服

總督一

增明雷禮列卿紀曰嘉靖二十九年北兵入逼京城所  
過順永諸州縣俱蹂躪於是始設總督大臣一員控制  
薊遼保定等處地方 又曰景泰二年以後宣大各設  
巡撫始遣尚書臨漳石璞總督宣大軍務歷成化弘治

正德間有警則置事寧則止至嘉靖十年始定設相治

至今又曰成化四年固原滿四構亂始命右都御史

項忠總督固原等處軍務然事畢則止未有專職成化

六年以後命王越總制陝西諸路軍馬又命馬文升節

制三邊然越奉命出征文升以巡撫節制亦未有專職

弘治十年部議陝西三邊宜得重臣專任開府固原乃

起王越總制陝西等處軍務巡撫以下咸奉約束弘治

十五年命秦紘總制軍務遂爲定規嘉靖十九年避制

字改爲總督 又曰湖廣自辰沅一帶通貴州川東自

嘉靖二十七年湖之麻陽鎮竄貴之銅仁諸苗叛始設

總督軍務大臣節制三省 又曰景泰元年廣東有黃

蕭養之變廣西調軍策應及廣西有韋萬秀之變廣東

副總兵董興不調兵應援朝廷乃更制其將命左都御

史王翱總督兩廣軍務自總兵以下悉聽節制然事平

即歸非常設成化元年命韓雍總督軍務兼理巡撫久

之雍請得文武大臣分理其事於是以陳濂撫廣東張

鵬撫廣西而雍專理軍務尋以憂去五年御史龔晟等

言兩廣宜設總督兼巡撫乃起雍總督兼巡撫於梧州

設總府巡撫復不設仍總於總督永為定制正德十一

年改總督為提督隆慶四年又改總督閩廣 續文獻

通考曰總理河漕兼提督軍務一員永樂九年遣尚書

治河後間遣侍郎或都御史成化弘治間始稱總督河

道正德四年始定設都御史提督駐濟寧凡河漕事悉

聽區處

## 總督二

增明雷禮列卿紀曰王翱字九臯直隸河間人景泰中  
總督兩廣軍務翱威望素著蠻人聞翱至大懼翱曰蠻  
人久反要在撫化得宜耳引其酋長犒以金帛酒食多  
見歸順思恩軍民府知府岑英人疑其反側翱居之桂  
林城中禮待甚厚由是人思効力 又曰馬昂字景高  
直隸滄州人景泰中總督兩廣軍務攘懷彝寇撫安軍  
民生擒僞將軍周鈇等以功升右都御史 又曰王越

字世昌直隸濬縣人成化中以左都御史出延綏韓家  
塢斬級二百餘時敵居河套出沒無時越齋七日糧盡  
伏夜行至敵所且擊且射斬首三百級奪其馬牛羊器  
械無算又出大同破威寧海擒百七十人封威寧伯

又曰劉大夏字時雍湖廣華容人弘治中總督軍餉周  
司徒經曰邊土糧草半屬京貴子弟公素不與此輩合  
此行以剛取禍矣大夏曰處天下事以理不以勢至邊  
召父老講究得其要領不兩月倉有餘積中貴子弟亦

莫之犯

又曰白昂字廷儀直隸武進人弘治中昂以

戶部侍郎治河道自高郵州北二里之杭家嘴至張家溝兩岸皆壅土爲隄又爲閘四凡四閱月而成名曰康

濟河

又曰叢蘭字廷秀山東文登人正德中總制宣

大敵嘗深入蘭分部諸將或犄或角又據險邀之斬獲

百有餘級

又曰孟鳳字瑞周山東曲阜人正德中提

督宣大有執游僧乞丐爲奸細希功者鳳力辨於朝得

全活

又曰周南字文化浙江縉雲人正德中總督兩

廣軍務廣人聞南來不勞而定南乃弛威布德惟飭長吏勸農寬賦以身先之民得休息 又曰王憲字維綱山東東平州人嘉靖中總制三邊敵由花馬池入黑水苑憲調榆林各路兵合擊之斬三百餘級降勅獎勵加太子太保 又曰劉天和字養和湖廣麻城人嘉靖中總制三邊請設重險以衛內除戎器以備外於是有乾溝澗諸女牆壕墩之設又制爲有脚輕車強弩諸火器短兵之制 又曰王守仁字伯安浙江餘姚人嘉靖中

總制廣西等四省軍務時土官岑猛作亂守仁至南寧  
盡撤防守之兵於是思田二州頭目盧蘇王受等悉散  
其衆埽境來歸 又曰劉燾字仁甫直隸天津衛人嘉  
靖中總督薊遼時歲用漕糧悉由通州陸運至牛欄山  
轉輸勞費燾疏潮河川水達於通州更駕小舟轉輸直  
抵本鎮大爲便利 弇州史料曰王忠毅驥初以兵部  
尚書總督軍務偕定西侯蔣貴以大軍十五萬平麓川  
走其叛宣慰思任發再以靖遠伯兵部尚書總督軍務

偕定西侯蔣貴以大軍十餘萬討思任發之子思機發  
獲妻孥象馬輜重而還三復爲總督偕都督同知宮聚  
以大軍十餘萬窮追思機發於孟養破之不能得而還  
凡三下滇南 又曰王忠毅驥初以尚書提督甘涼軍  
務還部再以尚書總督討朵兒只伯三以尚書總督軍  
務討麓川思任發四以靖遠伯總督討思機發五仍討  
思機發六掛征蠻將軍印平貴州苗七總督南京守備  
又曰王襄敏越初以副都御史總督延綏等處軍務

破紅鹽池鹵再以太子太保尚書總督大同諸邊軍務  
破威寧海鹵三以威寧伯總督破山東墩鹵四以太子  
太傅總督五軍十二營兵馬五以平邊將軍總兵北征  
六以征西前將軍鎮守大同七以靖鹵副將軍鎮守延  
綏八起家太子太保左都御史總督陝西甘涼寧夏延  
綏軍務 又曰楊文襄公一清初以左副都總制三邊  
再以右都起總制平安化王難三以致仕少傅大學士  
起提督 又曰王襄敏公越初以左副都右都御史連

歲出兵關中破西北鹵再以威寧伯提督同保國公朱永破西北鹵三以太子太保總制陝西三邊破西鹵中間一以總兵鎮延安

總督三

增攜二僮

甫兩月

明列卿紀曰劉大夏弘治中進右都御史總督兩廣勅使臨門即攜

二僮以行兩廣人士聞其來如飢兒之得乳母

又曰

劉洪正德中總督兩廣時賊林貴等亂惠潮諸郡洪率

羣師調狼兵甫兩月俘

修邊牆

散糜粥

又曰王瓊總制三邊

斬八千人餘黨悉平

土番侵擾甘肅瓊擊敗之又置下馬關門接修邊牆一百八十餘里又唐龍嘉靖中受命總制三邊兼理賑

濟龍上疏平糴捐官逋寬私債撫  
流移給醫藥散糜粥等十餘事

圖實效

復舊規

又曰楊博嘉靖中總督薊遼疏論練主兵爲根本調客  
兵爲權宜兵不在增而在練馬不在加而在養乞督邊  
臣以圖實效又曰楊選爲薊遼總督條陳邊政舊規  
當復者建昌營黃花鎮牆子嶺直隸衛所等四事部議  
從之

不事苛刻

多所全活

又曰韓雍以左僉都御史  
討廣西大藤峽賊生擒侯

大狗等七百餘人斬峽中大藤改名斷藤峽進右都御  
史總督兩廣雍爲人不事苛刻未嘗濫殺一人又曰  
屠瀟總督兩廣軍務斬獲猺獞數多賜綵緞銀兩柳州  
諸處戍軍舊皆番調風土殊習比代死亡過半乃爲區  
處分守多

去其太甚

未敢私干

又曰鄧廷瓚總督  
兩廣性不瑣瑣細

故吏有賢勞者輒舉薦以勵其餘或不職特去其一二  
太甚者又曰兩廣都御史熊繡在廣征種苗之負固

者餘皆以恩撫之性清介與人寡合而人亦未嘗敢以私干

不許輒進

自縛以

歸

又曰朱英成化中總督兩廣時粵帥喜邀功每有小寇輒張大其勢英下令撫輯猺獞各安生業約飭將

士寇來不許輒進又曰閔珪弘治中總督兩廣時猺獞相繼爲亂其討古田也珪謂罪止首惡乃設重購緝

之己而賊果自縛以歸

革心向化

率屬以廉

又曰吳琮總督兩廣時羅英等

聚衆剽掠命兵擒之又殲賊六百餘人猺獞大駭詣軍門聽命日以數萬識者謂廣寇不可以理喻而革心向化如琮者前此未見也又曰石永總督湖廣川貴等處一崇寬大率屬以廉凡事貴實效一切文具埽盡

民爲立祠

士樂效死

又曰秦紘總制三邊軍務造兵車置火器修城堡關隘一

萬四千餘處在任三年邊功孔多既去邊民不忍忘爲立祠祀焉又曰楊一清正德初總制三邊於地之險

易官之賢否無不周知料敵制勝屢中無失尤善激賞士卒俾樂於効死

修垣守險酌

盈濟虛

又曰石璞總督宣大充餉勤兵修垣守險景帝賜璽書曰爾忠勤善謀素爲邊人信故爾命加

太子太保

又曰閻仲宇總督宣大時沿邊調

簡閱

集游民軍費不貲仲宇酌盈濟虛未嘗告匱

士馬

屢有斬獲

又曰許進總督宣大簡閱士馬屢出奇挫敵得級六十又曰史琳弘治

中以右都御史提督軍務敵至

會通賦詩

齋沐禱

榆林琳乘機進勦屢有斬獲

神

又曰宋禮永樂中請疏會通河爲國大利而後人惟頌平江伯而不及禮丘文莊過會通河賦詩曰清江

浦上臨清閘簫鼓叢祠飲餞餘幾度會通河上過更無人語宋尚書又曰喬毅成化中以工部侍郎治漕河

時亢旱水淺舟膠毅齋沐禱於江海之神

江潮湧入漕河運船遂通人謂精誠所感

望如甘雨

稱爲神明

獻徵錄曰姚模巡撫延綏時值饑饉模厚撫士卒咸樂爲用敵犯涇陽遣遊擊彭英

等奮擊之大捷已而致政歸旋拜總制三邊尚書模聞命就道延綏渴望如甘雨莫不願效死力又曰翟鵬

爲陝西按察使有村豪崔文誣樊王盜劫王已誣服鵬鞫得其實人皆稱爲神明進兵部侍郎總督宣大敵蹙

蔚州鵬命保定總兵周徹進剿所獲無算時謂數十年來僅有此捷

不爲危言 畢臣

羣策

又曰兩廣總督潘鑑撫蜀時關南寇馬興率衆逼蜀境鑑密授總兵等方畧擣平其巢兩廣之起上

意簡在惜未竟厥用生平不爲危言激論而耿介壁立不可干以私焉又曰王以旂爲陝西總督務爲鎮靜

能推布腹心畢臣羣策敵犯山丹波羅堡及莊浪高家堡等俱督兵敗之

登陴誓軍 爲

民請命

又曰許論爲薊遼總督有功入爲尚書敵掠潞西上曰朕仍欲用許論論至鎮敵伺大水峪論

登陴誓諸軍力戰而卻俘馘以聞 又曰石茂華以兵部侍郎總督陝西時雲中和市初成茂華與爲期約不使越額指首受要束後秦隴大饑日夜露禱爲民請命天果大雨

### 授計討平所向

克捷

又曰陳大科爲兩廣總督直峯溪七山等山獐嘯聚授計左江諸道討平之 又曰才寬成化進士

因不附劉瑾出總制三邊以便宜行事參游等稍縮粉其面紅綠其衣巾游示諸營由是軍威振肅所向克捷

### 一日不忘朝廷 十年訓練將士

又曰楊守禮總督三邊敵至花馬池

守禮率衆乘城激以重賞敵遂解去以憂歸家居一日不敢忘朝廷庚戌敵至京師守禮即馳赴至中途聞命乃止 又曰蘇祐總督宣大居邊十年厲兵秣馬訓練將士敵懼其威仇鸞拜大將出行邊使人謂祐請以首功一級官公少子祐謝曰兒未嘗從我不敢以累將軍

總督四

增詩明何景明送彭總制之西川詩曰江漢兵戈阻鄭  
陽節制移遙憐蜀父老再觀漢旌旗躍馬終難據窮猿  
本易追威名聊一借勲業况當時 其二曰蜀道青天  
上岷山赤日西九重連授鉞萬里動征輦開府松山靜  
懸軍玉壘低知公安蜀計諸葛大名齊 李攀龍上濟  
寧朱司空詩曰河堤使者大司空兼領中丞節制同轉  
餉千年軍國壯朝宗萬里帝國雄春流無恙桃花水秋

色依然瓠子宮太史但裁溝洫志丈人何減漢臣風  
王世貞寄濟寧朱司空詩曰十年蓬累卧江東兩見修  
鱗濟上通天畔星爲中執法人間水屬大司空樓船晝  
集沙河雨壁馬秋歌瓠子風轉餉自來勛第一璽書何  
日未央宮

增啟明馮琦賀總督張公出鎮啟曰帝眷元樞國資上  
畧自天子所出宣南仲之威以我公歸入領北軍之重  
有常立武無競維人閣下德惟國基器爲時棟九塞共

傳其風采四方盡殫夫威稜北鎮薊門南清粵海書庸  
上考晉秩中樞帝將決戰於邊陲公宜運籌於帷幄時  
方多事國合有人乃於本根之地特簡鎖鑰之臣非但  
付以爪牙亦且倚爲心膂使我稱干比戈之士歡若投  
醪則彼彎弓牧馬之軍驚將落膽行且定萬世之業非  
徒折千里之衝

增序李攀龍送王忬總督薊遼序曰公旣以御史按楚  
中已而按順天得候者言敵狀古北口寨下伏牛馬谿

谷中者數所公疏請固京師召集郡國入援兵天子由是知公名乃擢爲僉都御史督治餉通州再賜金幣尋移公山東時東南倭事日嚴復移公閩粵大具艦募處州卒鼓之數破賊斬首千餘級凡五獻捷上皆賜金幣已而又進公副都御史治雲中者踰月復以功遷兵部侍郎督薊遼諸軍

巡撫一

增明雷禮列卿紀曰永樂十九年命侍郎郭敦給事中

陶衍往順天等府安撫軍民考察官吏於是有巡撫之命然事罷則止未有專職正統十四年土木之變命都察院右僉都御史鄒來學巡撫順天永平二府紫荊等關景泰五年命副都御史李賓巡撫順天永平二府天順元年革巡撫成化二年復以僉都御史閻本巡撫順天永平兼撫河間保定七年又命副都御史楊璿巡撫增大名順德廣平凡八府成化八年據居庸關中分設二巡撫於是有整飭薊州山海等處邊備巡撫順天永

平二府地方之命設行院於遵化以後相沿不改 又

曰正統元年遣都御史李璿出撫遼東遂爲定制 又

曰洪熙元年宣皇嗣位命大理卿胡縉巡撫蘇松等府

并兩浙地方宣德五年擢長史周忱爲工部侍郎總督

稅糧兼巡撫應天等處遂爲定制 又曰正統十三年

土木之變遣都御史洪英出撫山東相沿至今 又曰

宣德五年始命于謙巡撫河南山西正統十三年始命

都御史朱鑑專撫山西歷天順至成化雖暫議革而尋

即復置 又曰正統元年廷議大同與宣府共設巡撫

一員景泰三年大同始專設巡撫一員遣都御史年富

秉鉞其地天順三年又與宣大同設巡撫成化十年又

仍專設 又曰宣府巡撫之設正統中自范陽李儀受

命以至於今 又曰宣德五年以侍郎于謙巡撫山東

河南二省始有巡撫之命正統十四年命都御史王來

兼撫河南湖廣二省景泰元年命都御史王暹專撫河

南相沿至今 又曰景泰三年耿九疇以侍郎出鎮陝

西因文移不得徑下按察司不肯受於是特改都御史  
巡撫 又曰宣德十年遣都御史陳鑑出鎮延綏景泰  
元年命都御史陸矩參贊軍務遂爲定制 又曰正統  
元年三楊學士以寧夏要地特薦御史郭智爲都御史  
鎮撫寧夏整備邊備於是寧夏始以文臣巡撫 又曰  
正統元年甘涼多事命尚書王驥出征而侍郎柴車復  
以參贊軍務出鎮甘肅景泰元年乃更爲巡撫都御史  
又曰正統三年命都御史賈諒鎮守湖廣以後或以

侍郎或以大理卿出撫景泰元年以後專用都御史

又曰成化中以鄖陽地廣藏奸遣都御史原傑安撫流  
逋因立鄖陽行都司添設都御史提督撫治之 又曰

嘉靖三十三年因倭患命尚書張經提督浙江福建直  
隸軍務又專設都御史巡撫三十六年命巡撫浙江等  
處官銜遵守至今 又曰正統十三年始命韓雍巡撫  
江西嗣後自成化至嘉靖中雖裁復不常而暫革復設  
至今不改 又曰弘治甲寅汀漳寇起孝廟乃設巡撫

憲臣開院於贛以統制之擢金澤爲都御史巡撫江西  
提督南贛等處軍務 又曰嘉靖三十六年倭犯閩地  
始專設都御史巡撫福建 又曰正統十四年兩廣多  
事命僉都御史楊信民巡撫繼侍郎孟鑑揭稽廣西命  
侍郎李棠巡撫成化五年用御史龔晟言以總督兼巡  
撫而兩廣巡撫不復設 又曰正統十四年擢都御史  
李匡巡撫四川遵守至今 又曰正統四年命都御史  
丁璿出鎮貴州事竣回院景泰元年命大理寺丞王詢

巡撫始有專職 又曰正統九年命侍郎侯璉鎮撫雲南天順元年裁革成化十二年大學士商輅建言復設遵守至今 又曰景泰元年命都御史王竑總督漕運兼管巡撫遂爲定制開治於淮成化八年改巡撫總漕各一員九年復舊正德十三年又改各設一員十六年復舊嘉靖三十六年又改各設一員四十年復舊

巡撫二

增明雷禮列卿紀曰周忱宣德中巡撫南直隸時蘇松

納糧糧長私造大斛忱令鑄造鐵斛發屬縣依造立濟  
農倉將遞年撥運剩米運入以備賑濟又修葺學校先  
賢祠橋梁濬治河道善政不可枚舉 又曰熊槩宣德

中巡撫應天葺先賢范文正胡安定三陸祠宇清還范  
氏義田童稚皆知槩名而相與傳頌 又曰成均宣德

中巡撫浙江築捍海隄民賴之 又曰趙新宣德中巡  
撫江西討平蠻寇又建議以淮漕之舟順載江西之粟  
兵農兩利 又曰于謙宣德中巡撫河南行官糧以備

賑荒採草束以防河患植柳以蔭行旅鑿井以濟道渴  
美績甚衆 又曰鄒來學正統中英宗北狩以右僉都  
御史巡撫順天修喜峰等口遷薊川倉於城內百廢具  
舉東西晏然 又曰陳鑑正統中巡撫陝西值亢旱鑑  
奏免宿逋數十百萬人咸呼爲黑髯慈父 又曰薛希  
璉正統中巡撫福建時殘寇羅丕復起希璉諭之曰若  
輩皆良民苟能自新當貰罪降者數萬 又曰楊信民  
正統中巡撫廣東時黃蕭養作亂信民單騎諭降賊數

十萬迨卒廣人奏請立廟致祭水旱疾疫必禱焉 又  
曰李棠正統中巡撫廣西俘馘羣酋之叛者以萬計及  
代還不持一物隨身書劔亦棄去 又曰蔡錫正統中  
巡撫湖廣歲饑賑濟全活者數萬家肖像祝之 又曰  
王竑景泰中總督漕運兼巡撫請發漕米以賑淮揚饑  
與巡撫周忱借餘米以足民食皆先發後聞人稱名巡  
撫必曰王公周公云 又曰李秉天順中巡撫應天值  
歲饑秉出官庫充費易倉米以賑民全活甚衆 又曰

王宇天順中巡撫大同石亨與姪彪以大同乃舊鎮之地恣肆橫索宇劾之聞者歎服 又曰盛顥成化中巡撫山東值旱饑顥甫下車禱雨即大注枯槁復起 又曰楊繼宗成化中巡撫順永地方奪還官戚占民庄田權貴斂迹 又曰張鑒成化中巡撫保定值久旱給民牛種俾不廢業 又曰王恕成化中巡撫南直隸時中官王敬乘傳索奇玩恕言當此凶歲謂宜遣使賑濟而乃橫求玩好耶上乃械敬下獄戮之 又曰項忠成化

中巡撫陝西滿四叛據石城忠披堅城下矢石如雨馬  
文升勸其持重忠曰奉命討賊久無成功死所甘心與  
論偉之 又曰馬文升成化中巡撫陝西與項忠討擒  
滿四賊向恃石城之險文升令萬人悉平之立石記平  
石城歲月於山崖以示永久 又曰王恕成化中巡撫  
雲南時鎮守內臣私市外爨人莫敢問恕劾之奏一切  
寶玩宜拒絕九閱月疏二十上直聲動天下 又曰徐  
懷弘治中巡撫順天值歲饑請出太倉米及戶部銀兩

發州縣驗口給散畿民賴之 又曰何鈞弘治中巡撫

山西時晉王妃父怙勢驕橫鈞欲發其奸其人引咎伏

門三日勒令改正乃已 又曰謝士元弘治中巡撫四

川歲大祲流民不絕士元爲廣室作糜食之所活不可

勝計 又曰張縉弘治中總督漕運兼巡撫造舟之價

必預給漕卒必選精壯者淮揚饑奏留糧米萬石全活

之 又曰陳天祥弘治中巡撫貴州時諸苗構亂天祥

調兵破諸寨疆土底寧 又曰邊憲正德中巡撫寧夏

禦敵於紅兒山五日七捷事聞獎賚有加 又曰孫燧  
正德中巡撫江西寧王宸濠反謂燧曰我往南京汝保  
駕否燧曰天無二日臣安有二君濠怒令武士縛燧害  
之

### 巡撫三

增循吏

長者

明列卿紀曰陸瑯嘉靖中巡撫河南瑯淳德篤行持身如處女愛民如已子庶

幾循吏云

又曰徐源弘治中巡撫山東常祀歲鎮東海齋之夕應時澍雨秉性寬仁人稱長者

却

餽金

免重稅

又曰侶鍾成化中巡撫保定凡河間淤地為豪右占種者悉還之民又却守關

者餽金 又曰史琳弘治中巡撫保定奏免重稅穿溝沱支流以免漲溢

鑿三堰 稅二

斗 又曰李敏景泰中巡撫應天挑濬青墩浦橫澀塘以通白茆塘鑿開三堰於是水得歸海田不淹 劉孜

天順中巡撫應天時松江府有荒田四千餘頃加稅見戶孜請召民開佃肥者稅三斗瘠者稅二斗民歡趨之

蕪穢 盡闢 表烈婦 至文廟 又曰王璟正德中巡撫山西疏請表諸邑貞烈婦女以扶

綱常 又曰鄭時成化中巡撫陝西值大饑父子相噬時朔望必至文廟講書人問之時曰敝以遵王之義自

是人心 忤權貴 黜貪吏 又曰王懋中正德中巡撫雲南操履清介奏免場課

果定 數事忤權貴致仕歷起右都御史 又曰俞諫嘉靖中以右都御史總督漕運兼巡撫清寃獄黜貪吏所至肅

然 政先激揚 善於撫卹 又上彭韶成化中巡撫順天韶好別白君子小人政

先激揚且陳時政以弭天變議糧運以便軍民尤爲可稱云 又曰房勲弘治中巡撫順天勲平怨善於撫卹麻峪山有銀礦守臣以中旨索之勲言其不可詔戒飭中使而礦事不行

### 中外倚重 遠

近悅服

又曰張玉弘治中巡撫遼陽以守備爲本有微求以希爵賞者玉正色拒之已而乞骸骨中外

方倚重之留之甚至而竟致政歸 又曰劉廣衡景泰中巡撫遼東鎮靜不擾遠近悅服

### 獨與抗

禮 輒裁以法

又曰秦紘成化中巡撫河南巨璫汪直以事至汪聲執烜赫他巡撫率屈禮以

見紘獨與抗禮畧不爲屈 又曰孫需弘治中巡撫河南有鎮守中官劉瑯剝民自殖與需水火需輒以法裁之

不媚權貴 賑貸饑民

又曰于謙宣德中巡撫河南嘗夜經太行山有羣盜

持兵噪而前謙叱之皆驚散以不媚權貴在外十八年

又曰薛希璉景泰中巡撫山東旱蝗禱於泰山雨集

蝗息經營賑貸活  
饑民百八十萬

多從其言

得損其半

又曰陳道弘治中巡

撫河南疏請彰德宜常設武臣陳州宜增縣治多從其  
言又曰龔亨巡撫河南時河工負值幾數百萬亨會

河道都御史酌處得  
損其半民困以紓

崇獎學校

首行均徭

又曰楊寧正統

中巡撫江西團集鄉兵擊斬廣東流寇暇則崇獎學校  
詢民瘼而張弛之遠近畏慕焉又曰韓雍正統中巡

撫江西首行均徭  
歲辦法人悉稱便

焚香告天

單車抵任

又曰王守仁正德中

提督南贛軍務聞宸濠反即焚香告天起兵勤王討濠  
後改撫江西又曰孫燧正德中聞巡撫江西之命毅然

然謝遣家屬單車抵任  
每見宸濠輒諷以大義

不致失所

久而無弊

又曰劉敷

景泰中巡撫浙江海潮漂溢數舉行荒政使昏墊之民  
不致失所又曰金澤弘治中巡撫南贛增高贛城葺

南康等舊城并建學校凡政令皆行之可久而無弊者

勤卹民隱 切中時宜

又曰汪霖成化中巡撫順天練士卒葺城堡且勵守宰俾勤卹民隱無或怠違 又曰汪玉嘉靖中巡撫順天賊楊恭作亂不數日折其首凡防禦方畧皆切中時宜有撫畿奏稿二卷 各建倉廩 直

搗巢穴

又曰張瑄成化中巡撫福建初郡縣無儲積瑄命各建倉廩勸富民出粟以備凶荒民賴之

又曰葉盛天順中巡撫兩廣時瀧水縣狂賊鳳二將軍叛亂盛會調官軍直搗巢穴獻俘京師 開吳

松江 設高淳縣

又曰畢亨成化中巡撫應天與知府丘霽議開吳松江閘十四丈五尺深

一丈五尺 又曰侶鍾弘治中巡撫應天奏設高淳縣以分治溧水民便焉

務存節愛

兼理缺乏

又曰王大用嘉靖中巡撫四川自食惟蔬菜釐茶法定賦役諸所興革務存節愛 又曰

湯沐嘉靖中巡撫貴州請查軍伍以五年爲率指揮以下以在逃多寡爲罰不但清勾亦兼理缺乏

救

衣數事 名宦二祠

又曰李綱成化中總督漕運兼巡撫奏準運船遭風漂流糧米免送

問以疾卒箱中止救衣數事而已 又曰徐鏞弘治中

總督漕運兼巡撫奏準借太倉銀應水陸搬運腳價用

卒於官准人祀之

不立崖岸 無所撓枉

明獻徵錄曰周忱巡

名宦名臣二祠

撫江南在任二十二年盡心於職爲人謙恭不立崖岸

明列卿紀曰馬文升巡撫陝西奉公仲法無所撓枉

事有利於民

特賜綵緞 不避貂璫

明獻徵錄曰洪漢巡撫大同先

必亟舉之

在廣西時平賊有功特賜織金雲鶴綵緞衣一襲 又

曰周季麟巡撫薊州會勘御馬監牧馬草場其所侵民

業考諸圖籍正之

長揖不拜 戇直不阿

又曰曹鳳巡撫延綏

不避貂璫之怒

時劉瑾擅權見者皆長跪稽首鳳自延綏回院見瑾長揖不拜瑾怒目揖之出又曰賈錠巡撫陝西時逆瑾恣橫錠直懇不阿罰米千斛再疏乞休居林下十有六年暇則課子讀書

### 二驢送客百

斛賑饑

又曰徐節巡撫山西居官甚廉不忍擾民在太

平飼二驢於私廨鄉人過郡者以驢送出境驛遞皆不與知又曰陳九疇巡撫甘肅嘉靖己亥歲饑九疇輸粟百斛賑之民乃少甦

### 獨當一

面在鎮數年

又曰延綏巡撫陸矩征閩寇時賊黨據山寨自固官軍分道並進矩與保定伯

梁瑤獨當一面刻日破之又曰大同巡撫鄭寧在邊鎮數年適疆場無事日延見境內士大夫咨詢民瘼次

第舉

### 節用愛人約身謹行

又曰保定巡撫陸鉅時車駕駐蹕真定等處諸

中貴有厚望者偶語於馬前曰君記得送往迎來否鉅應之曰記得更記得節用愛人又曰河南巡撫傅鏞

居家未嘗見其疾言遽色諸子姪侍不威而嚴僮僕訥訥如也其約身謹行之效類如此

以大魚

獻備駝馬贖

又曰廣東巡撫楊信民時廣多嘯聚信民欲親往諭降藩臬以下皆阻之楊曰

吾以誠待之無害也遂出見賊羅拜泣下以大魚獻受之不疑又曰李侃任山西巡撫有生擒外寇小石愛

子者敵備駝馬來贖

人給小學名錄屏風

又曰陳察任南

侃歸之以結其心

賴巡撫頒明高皇大誥闢里社社人給小學

又曰劉

夔任保定巡撫屢荷殊恩錫明倫大典無逸殿碑文帝

常錄夔名於屏

發未起運米奏豁無徵糧

明列卿紀曰何

風曰此可大用

鑑弘治中巡撫應天值蘇松大水民飢鑑以便宜發米起運米十五萬石遣官分賑又曰朱瑄弘治中巡撫

應天奏查嘉定華亭等縣冊竭等項無徵糧七萬應豁除

減襄府琉璃瓦靖叛

苗香爐峰

又曰樊瑩弘治中巡撫湖廣於時水旱連十

參以常瓦

二州而藩府繕脩未息瑩奏減襄府琉璃瓦

賀璋等於江討猛獍於榔桂靖叛苗於香爐峰

士

民遮道挽留故人傾心接引

明獻徵錄曰湖廣巡撫車純服素茹淡蕭然如

布衣三疏乞歸瀕行士民遮道挽留車不得前所攜惟

圖書數篋衆數曰是都御史裝耶又曰四川巡撫戴

鰲遇故人傾心接引有范瓚者以所居質錢於鰲期

滿當徙鰲曰我寧不得居必不使汝老而無歸也

疏止奉令捕豹吏皆望風解印

又曰韓文巡撫寧夏留心邊事有司奉令

捕豹文疏請止之

又曰海瑞巡撫應天威名籍甚

中外墨吏皆望風解印權豪怙勢之家相戒毋敢犯

## 巡撫四

增詩明陳一元送謝寤雲中丞移鎮粵東詩曰喜從文  
酒接清歡歲序崢嶸惜別難雄畧百蠻開幕府美名六  
代重詞壇戟門月照牙旗肅甲帳風傳畫角寒予亦遠  
行將就道相思紅日近長安 謝榛送范中丞堯卿鎮  
贛州詩曰九月虔州去天南宿霧開揚帆生遠思秉鉞  
見雄才地轉三吳盡山連百粵迴夜深瞻北斗獨上鬱  
孤臺 吳國倫送龐中丞巡行五路屯鹽詩曰羣牧非  
虛讓天王已借籌便宜搜粟令清切負薪憂萬里鳴秦

塞雙熊歷禹州歸來慰宵旰不齒富民侯 唐順之寄

周中丞備禦關口詩曰牙旂高建白羊東鼓角殷殷漸  
海空雪後錦裘行塞外月明清嘯滿樓中幕南五部思  
歸義薊北諸軍盡立功燕領書生人共羨一朝投筆去  
平戎 方逢時鄭中丞出塞還邀宴於閱武堂夜別贈  
詩曰明庭稽顙見呼韓九塞無塵斥堠閒按部龍沙秋  
欲盡論兵虎帳夜將闌千旌曉拂青山影笳鼓晴翻白  
海瀾千古金湯須上策期君談笑築賓顏 徐中行寄

贈中丞江玉卿自鄖臺移鎮武昌詩曰釣天一震洞庭  
陰虎觀崢嶸白雪林雲夢火明秋較獵蘭臺風起晝披  
襟浮湘司馬才名大開府羊公惠愛深獨有夜郎羈客  
在武溪煙雨自悲吟 又聞張助甫開府寧夏寄贈詩  
曰青銅峽口古靈州黑水河穿紫塞流一夜羌人吹  
篳過千山明月總邊愁 王世貞送周中丞允文遷撫江

西詩曰聞公移鎮古洪州童稚驚呼父老留一疏吳天  
迴菜色十年滄海捲鯨流江雲對擁中丞節山雨長飛

帝子樓共道衮衣多佇望不知何地更東州 又寄耿  
中丞子承詩曰黃龍東去海雲低玄菟城頭烏夜啼帳  
下青羌新屬國軍中白馬舊安西牙旂月擁諸陵出甲  
帳天迴萬堞齊最是駝酥爭捧處不妨飛捷醉中題

繡衣直指一 巡按御史附

原杜氏通典曰漢公卿百官表侍御史有繡衣直指者  
出討奸猾理大獄武帝所制而不常置直指者行無苟  
私也衣以繡者尊寵之也沈約云繡衣御史光武省順

帝復置魏罷之 增晉至元並不設 續文獻通考曰

洪武十年七月詔遣監察御史巡按州縣 吾學編百

官述曰御史諸差巡按爲要 春明夢餘錄曰憲綱開

載巡按所至博採諸司官吏行止廉勤公謹者禮待之  
薦舉之汙濫奸佞者戒飭之糾劾之如有陳告官吏不  
公等事須要親行追問分巡所至不得多用導從飲食  
供帳只宜從儉

繡衣直指二

增漢書曰武帝末郡國盜賊羣起暴勝之爲直指使者  
衣繡衣持斧逐捕盜賊督課郡國東至海以軍興誅不  
從命者威振州郡勝之素聞雋不疑賢至渤海請與相  
見不疑曰凡爲吏太剛則折太柔則廢威行施之以恩  
然後樹功揚名永終天祿勝之敬納其戒 原又曰江  
充爲直指繡衣使者貴戚近臣多奢僭充皆舉劾奏請  
沒入車馬令身侍北軍擊匈奴奏可充即移書光祿勳  
中黃門逮召近臣侍中諸當詣北軍者移劾門衛禁止

無令得出入宮殿於是貴戚惶恐見上叩頭願得入錢贖罪上許之令各以秩次輸錢北軍 又曰王賀字翁

孺爲繡衣御史逐捕魏郡羣盜堅盧等黨與及吏畏懦逗畱當坐者賀皆縱不誅他郡御史暴勝之等奏殺二千石誅千石以下及通行飲食坐連及者大部至斬萬餘人賀以奉使不稱免歎曰吾聞活千人者封子孫吾所活者萬餘人後世其興乎 後漢書曰譙君黃爲繡衣使者持節與太僕任暉等分行天下觀覽風俗所至

專行誅賞 增春明夢餘錄曰舊制御史皆乘驢宣德  
間御史胡智言巡按一方則御史以朝廷所差序於三  
司官之上或同三司出理公務三司皆乘馬御史獨乘  
驢頗失觀瞻自今請乘驛馬許之 吾學編曰于謙巡

按江西平反冤獄稱爲神明民所不便釐革殆盡 又  
曰韓雍巡按江西會廬陵賊起與巡撫侍郎楊寧捕斬  
二百人解散其衆 又曰高明爲御史巡按河南糾斥  
不職吏六十餘人黃河南徙民耕淤地畝收歲數斛議

者欲履畝坐稅明不可曰河徙無常稅額不改平陸忽復巨浸常稅猶按舊籍民何以堪 又曰樊瑩字廷璧

巡按雲南交人誘邊氓盜掠殺吏民方議用兵瑩移諭禍福皆納款 又曰朱裳爲御史寒約如故巡按山西山東有風采稱爲長齋御史 名山藏曰龐尚鵬字少南南海人爲御史按浙江浙民困於甲首錢尚鵬破除其法更行一條鞭浙人大便江以南通行之礦徒倡亂促巡撫勦平釋出幼少者千餘人還朝浙中排門香燈

涕泣攀挽

御定淵鑑類函卷一百八

欽定四庫全書薈要卷一萬一千五百五十七

子部

御定淵鑑類函卷一百九

設官部四十九

招討使

副招討使附

制置使

宣諭使

提舉

都大提舉茶馬

茶馬御史附

提舉市舶

承宣布政使

參政參議附

招討使一

副招討使附

增事文類聚曰唐貞元時置招討使自後隨用兵權置  
兵罷則停後以節度兼度支營田招討經畧使則有副  
使判官各一人五代後唐亦以招討使爲都統之副宋

因之元有招討使副招討 王海曰慶歷元年詔陝西

經畧招討使夏竦屯鄜州熙寧八年命趙鼎爲安南道

經畧招討使建炎四年李成圍江州以張俊爲江南路

招討使紹興五年岳飛爲湖北襄陽招討使十年兀朮

犯三京以韓世忠張俊岳飛兼河南北招討使三十一

年以陝西河東命吳玠京東河北東路命劉錡京西河

北西路命成閔爲使蓋遙領其地十一月又命吳玠李

顯忠隆興元年李顯忠爲淮南京畿京東河北招討使

邵宏淵副之 續文獻通考曰遼北面邊防官有西南

面都招討司太祖神冊元年置招討使一員選有功者  
領之有西南面五押招討司置五押招討大將軍一員  
有西北路招討司置招討使監軍一員有西路招討使  
司置招討使官 金招討司置於西北路西南路東北  
路三處使一員副使一員 元招討司秩正三品達魯  
噶齊一員招討使一員 明止設招討軍民等職以待  
土官

# 招討使二

增兼招討使

事文類聚曰唐德宗初建中二年田悅圍邢州次臨洛詔河東節度使馬燧等救臨

洛悅兵大敗邢州圍解以功加右僕射尋又加燧魏博招討使三年又敗悅於洹水詔加魏州大都督府長史兼魏博等四州節度觀察招討使

讓招討名

又曰裴度受淮西宣慰招討處置使詔出度以

韓弘為淮西行營都統不欲更為招討請祇稱宣慰處置使從之

賊鋒屢挫

又曰來瑱為潁

川郡太守充招討使肅宗以瑒武畧遷兼御史大夫比收河洛屢挫賊鋒頻來攻皆為瑒所敗賊等懼之號為

來嚼 籌畫皆出

又曰五代後唐莊宗與郭崇韜謀討伐之計時明宗為諸道兵馬總管當

鐵 行崇韜自以官者相傾欲立大功以制之乃奏曰魏王繼岌大功未著宜依故事以親王為元帥莊宗曰小兒

幼穉安能獨行卿當擇其副崇韜未奏莊宗曰無踰於卿乃以繼岌爲都統崇韜爲招討使率親軍六萬進討西川籌畫皆出崇韜繼岌承命而已

### 招討使三

增制元稹加裴度幽鎮兩道招討使制曰具官裴度昔者區域之中蜂蟻巢聚蔡有逆孽齊有狡童厥初圖征疑議滿野苟無司南允罔能濟佑我憲考爲唐神宗實賴股肱運用心力肆朕小子蒙受景靈冀服於前燕平於後而撫御失理盤牙復生求思弭寧國老尚在是用

亟宣懇惻之誠就加招撫之命 崔琮鳳翔李業河東

李拭並加招討使制曰邊境未寧固資於選帥輪轅適

用必在乎與能無煩易地之勞各副長城之委鳳翔節

度使檢校刑部尚書李業生自將門久知鹵態悅詩禮

而不倦索韜鈴而甚精河東節度使檢校禮部尚書李

拭早膺儒術克擅文場幼挺瑚璉之資尤通冉季之政

並累更重任必播能名朕以右輔之新拓土疆是資綏

輯大鹵之連控戎落尤藉隄防或更戶封之崇或仍舊

貫之美各膺新命無替前勞

制置使一

增翰苑新書曰唐宣宗大中五年以白敏中充招討党項行營都統制置等使制置使之名始此宋不常置掌經畫邊鄙軍旅之事政和中熙秦用兵以內侍童貫爲之宣和末姚古爲京畿輔郡兵馬使靖康初种師道爲河東路制置使錢蓋爲陝西五路制置使建炎元年有招捉盜賊制置使自王淵始三年有行在五軍制置使

自劉光世始又諸路皆有制置使自江浙陳彥文程千  
秋始浙西安撫使康元之帶本路制置使安撫帶制置  
自此始也四年罷有沿江都制置使紹興二年有沿海  
制置使三年有安撫制置大使六年始鑄印以某路制  
置使爲名其後盡省惟四川沿海有焉開禧中用兵起  
丘宗卿守金陵留鑰宗卿嘗以僉樞督視軍馬於是趙  
淳已爲江淮制置命宗卿爲江淮制置大使已而罷四  
川宣撫以安子文爲制置大使

## 制置使二

增假便宜

聽節制

合璧事類曰宋張浚至襄陽自屬郡守貳以下皆得誅賞因薦程千

秋爲制置使假以便宜又曰郭太尉仲荀制置東南盜賊請監司並聽節制許之

羅致人才

舉按監司

合璧事類曰范成大爲四川制置使凡人

以薦韓范新書曰席大光在成都得旨位宣撫副使上凡監司不法許以舉按

築堡置戍

擊強撫善

合璧事類曰范成大爲四川制置使以黎爲要地奏置路分都監增五寨藉少壯爲

兵凡吐番擾邊徑路十有八悉築堡置戍又曰范成大爲四川制置使文州蕃部間擾邊奏乞豫爲文告促強者討擊之善良者撫摩之使知畏慕

制垣

外聞

擢自价藩

授

之制閫 屹然玉壘 倚以金城 文武式萬邦之憲

精神折千里之衝 紫殿陞班建碧幢而制閫 綠

綈趣駕滌紅籀以開藩 犀甲熊旗名在江淮之草木

虎符魚鑰光通河洛之圖書 分鎮踰歲月其期裴

相之行營 小隊出郊垆復喜嚴公之使節 昌黎入

廷湊之軍信兒郎之帖服 光弼代子儀之將見旗幟

之精明

俱出翰苑新書

宣撫使一

增翰苑新書曰唐開元元年命畢建等六人宣撫十道  
十五年河北水災宇文融爲宣撫使二十年河北饑盧  
從愿爲宣撫處置使德宗初關播宣撫湖南興元元年  
平章事蕭復充宣慰安撫使正元八年以水災命奚陟  
等宣撫於延英殿臨遣元和四年以旱災命鄭敬崔玢  
孟簡裴武宣撫淮南宣歙浙西東山南東道江西鄂岳  
等道召對告以勤於奉職十四年楊於陵充淄青宣撫  
使 玉海曰宋時不常置有軍旅大事則命執政大臣

爲之累朝但除向文簡范文正富文忠文忠烈韓獻肅  
五人仁宗征儂智高以狄青爲宣撫使武臣宣撫自此  
始建炎三年張魏公以知樞密院爲宣撫處置使其後  
杜丞相周仲弼孟富文趙元鎮虞彬甫王公明鄭仲一  
沈德之輩皆自二府出爲之若前宰相爲宣撫則自渡  
江以後亦止除李伯紀呂元直朱藏一三人紹興三年  
劉光世以使相宣撫淮南武臣非執政而爲之自此始  
二年李光發以端明殿學士爲壽春等州宣撫使文臣

非執政而爲之自此始然自紹興至嘉泰武臣止劉光世韓世忠張俊岳飛吳璘從官止李光發王伯似二人蓋重之也 續文獻通考曰遼金無宣撫之職 元宣

撫司秩正三品每司達魯噶齊宣撫各一員同知副使各二員僉事一員 廣南西道麗江路隸雲南省順元

等處播州思州隸湖廣省叙州等處四川省世祖中統元年立十路宣撫司二年詔十路宣撫使量免民間課程勸農桑抑游惰禮高年問民疾苦舉文學才識可以

從政及茂才異等者列名上聞以聽擢用其職官汚濫及民不孝弟者量輕重議罰成宗大德七年詔遣奉使宣撫巡行諸道並給二品銀印仍降詔戒飭之是年奉使宣撫所罷贓汚官吏凡一萬八千四百七十三人審冤獄五千一百七十六事泰定帝二年分天下爲十八道遣使宣撫按問官吏不法詢民疾病審理冤滯凡可以興利除害從便舉行有罪者四品以上停職申請五品以下就決有政績卓異及晦迹丘園才堪輔治者以

名聞順帝至正五年遣使宣撫巡行天下皆使布宣德

意詢民疾苦疏滌冤滯蠲除煩苛體察官吏賢否明加

黜陟 明宣撫司皆土官世襲其正官有宣撫同知副

使僉事其經歷司有經歷知事則用流官亦不常設洪

武元年湖廣安定等處宣撫使向思明等遣其溪洞長

官硬徹津等以元所授宣撫勅及印章來上請改授官

命仍置安定等處宣撫司設宣撫使二又置懷德軍民

宣撫司宣撫使一統軍元帥二抽攔不夜石三洞各置

長官一以幹坪洞元帥府設元帥一梅梓麻寮二洞亦  
各置長官

宣撫使二

增就拜平章

第領樞職

事文類聚曰韓絳熙寧二年  
羌入慶州境以絳為陝州宣

撫使賜金繒及織文袍至邊悉與將吏詔兼河東宣撫  
使就拜同中書門下平章事又曰僉書郭達宣撫陝

西判渭川上曰第領樞職獨重使權自呂餘慶以參知  
政事知成都其後見任執政無守藩者至達始以僉書

出鎮討平王則戰敗智高

又曰樞密直學士明鎬討  
貝州未下參知政事文彥

博請自往督戰以彥博為河北宣撫使克貝州平王則  
又曰廣源州蠻儂智高叛仁宗遣狄青為宣撫使擊

之至賓州下令具五日糧休士卒賊謀知不為備是夜青率衆半夜度崑崙闕賊逆戰於歸仁鋪大敗

# 吳璘庭揖忠彥械誅

又曰鄭剛中為川陝宣撫副使節制諸將三都統入謁必先庭

揖然後就坐及吳璘升檢校少師來謝語主閤吏求講均敵之禮剛中曰少師雖尊猶都統制耳倘變常禮是廢軍容璘惶恐聽命又曰李綱為湖廣宣撫使有統制官張忠彥者駐軍廣州頗擾一路公為宣撫使召之不來公察忠彥樂為郡檄令權知岳陽忠彥果至即械送所司取旨誅之

## 長春置宴內

### 盤賜酒

又曰咸平三年詔兵部侍郎參知政事向敏中又河北東路宣撫大使樞密直學士馮拯陳堯

叟充副大使巡按郡國真宗御長春殿置宴以遣之玉海曰紹興五年遣韓世忠劉光世張浚等宣撫淮東

江東諸路入辭上命升殿出內盤尊等賜酒并所飲器賜之

## 活飢民百餘萬効

大將十一人

事文類聚曰韓琦宣撫陝西屬歲大饑河中同華等州饑民相率東徙選官發倉賑

之所活百五十四萬餘人又曰虞允文為宣撫劾大將任天錫等十一人諸軍為之歡呼

冠位

斗樞 宣威玉帳

煥服朝綸

光臨戎閫

布天恩

而軍情暖於挾纊

據地利而兵勢順於建瓴

方叔

率止師豈但於威蠻

召公主之任尤專於分陝

涼

武王而肆伐已高尚父之勲

命名虎以來宣庶盡淮

彛之寇

謝安督征討之軍僅立功於淮水

裴度宣

朝廷之意特施惠於蔡城

俱出翰苑新書

經略使一

增合璧事類曰唐貞觀二年邊州別置經略使此蓋使  
名之起節度兼度支營田招討經略使則有副使判官  
各一人儀鳳二年以黑齒常之爲河源軍經略大使永  
淳元年婁師德爲河源軍經略副使至德三年賀蘭進  
明除嶺南五府經略兼節度使建中元年除元琇節度  
始不帶五府經略宋不常置咸平五年始以右僕射張  
齊賢爲邠寧環慶涇源路經略使判汾州諸路軍馬並

受節制又以鄧州觀察使錢若水爲并代經略使判邠州自後不除人寶元中夏人入寇始命陝西沿邊大將皆兼經略皇祐間儂智高擾邊詔知廣桂州並帶經略安撫使自後西南二邊常帶經略其經略安撫各以直秘閣以上充掌一路兵民之事帥臣任河東陝西嶺南路則爲經略安撫使南渡之初依舊制廣南東路帶主管經略安撫司公事西路帶經略安撫使紹興五年令襄陽守臣湖北帥帶經略安撫使中書門下省言湖北

帥司已移還荆南舊治與襄陽事體頗同詔王庶許依  
襄陽例帶經略安撫後罷而二廣如故 續文獻通考  
曰經略使遼金無 元至正十八年命經略使問民疾  
苦招諭叛逆選官二員為經略使參謀官辟名士一人  
掌案牘設行軍司馬一員 明不專設有兵事則暫勅  
行事嘉靖中以易州昌平州通州為三輔各置經略使  
一員以文臣領之尋罷

經略使二

增寇攘順化

外蕃貢珍

山堂肆考曰張公師爲安南經略使自爲吏已習於海邦

去之則彘獠稱亂復至則寇攘順化又曰徐申字維降爲邕管經略使黃洞納質供賦不敢後外蕃歲以珠

瑇瑁香文犀浮海至申於常

築城據要

弛禁通輸

賦外未嘗賸索商賈饒益

又曰宋范仲淹爲環慶路經略安撫招討使於延州築

青澗城壑營田復永平廢寨熟羗歸業數萬戶於慶州

城大順以據要害奪賊地而耕之又曰劉徽猷子羽

字彥修爲宣撫使移軍閬州時吳玠戍河池王彥戍金

州二鎮皆饑而興元帥過爲禁約閉關隘塞褒斜不使

米粟相通二鎮甚病之公乃承制拜利路經略兼知興

元府公至日盡弛其禁

蠻酋叩謝

元昊欽畏

事文類聚

通商輸粟二鎮乃安

曰李浩爲廣南西路帥有人對論擇帥事者上曰廣西

朕已得李浩矣浩至鎮勤於民事邕管所領羈縻安平

州蠻首聚兵謀為邊患浩遣軍使諭以禍福即日叩頭謝過

山堂肆考

曰鄭戩為陝西經略安撫招討使巡

邊至鎮戍軍趨蓮花堡元昊方擁兵近塞謂其下曰我已遣人使稱臣朝廷何為復用此公護諸將其欽畏如此

## 有文武材

## 祖瓊林院

又曰高宗以婁師德為河南經略副使曰卿有文武

材勿辭也

又曰咸平四年以兵部尚書張齊賢充涇

原邠寧環慶鄜延州保安鎮戎渭遠軍安撫經略使以

知制誥梁顥副之帝命齊賢等馳騎往

仍命宣徽南院使周瑩祖於瓊林院

## 邊上何憂

## 幕府無慮

又曰范仲淹知慶州兼經略招討使未幾賊兵叩城仲淹揮兵血戰賊遂奔北久之种世

衡不利於定州人心搖動及見仲淹耀兵號令嚴明相

賀曰邊上自有龍圖公為長城吾屬何憂又曰張栻

經略安撫廣南西路時多盜賊外寇間入塞州兵脆弱

栻為之簡閱州兵立思信謹闔防於是幕府無南鄉之

慮矣

寒賊心膽

究馬利病

事文類聚曰范仲淹與韓琦叶謀必欲外服靈夏橫

山之地邊上謠曰軍中有一韓西賊聞之心膽寒軍中有一范西賊聞之驚破膽又曰張敬夫經略安撫廣

南西路朝廷買馬橫山歲久弊積邊氓告病而馬不時至公究馬利病嚴爲之防以窮其根穴由是諸蠻爭以

善馬來歲額

綏定八州

節制諸司

山堂肆考曰元結爲容管經略

率先期以辦

使自諭蠻彝綏定八州民樂其教立石頌德又曰沈

括筆談予爲延寧經略使日新一廳謂之五司廳五司

者經略安撫總管節度觀察處置五使也經略安撫司

不置佐官以帥權不可不專都總管副總管鈐轄都監

同簽書而下皆

受經略司節制

經略使三

增威名流聞

山堂肆考曰唐戴叔倫為邕管經略使綏徠彞落威名流聞所至稱最德宗常賦中

和節詩遣使者寵賜

威聲風行

又曰唐裴行立為安南經畧使威聲風行

管嶺外

地

又曰涼公房為涼州經畧管嶺外十三州之地削衣貶食不立貲產以頒親舊

平嶺表獠

又曰王雄大歷中為邕管經畧使平嶺表

移文奇嵐

彞獠代宗遣使慰勞加金紫光祿大夫

又曰唐介知太原河東經畧使初代州奇嵐軍鹵數擾邊介遣撤其境上堡柵又移文諭以利害嚴守以待之

移檄交趾

事文類聚曰余靖嘉祐五年交趾寇邕州殺五巡檢召靖為廣西體量安撫使至則

移檄交趾召其臣費嘉祐詰責之對曰願取首惡以獻即械送五人至欽州斬於界上

不載南

物

又曰余靖知廣州唐之蕃舶裝船舊皆取稅靖奏罷之又靖立法戒當任官吏不得市南藥及公歸不載

南物

裝無南物

又曰李浩爲廣南西路帥律已甚嚴自嶺右歸裝無南物

經略使四

增詩宋蘇軾送范仲濟經略侍郎分韻賦詩得先字且  
贈以魚枕杯四馬箠一詩曰梁李久樂禍自焚豈非天  
兩鼠鬪穴中一勝亦偶然謀初要百慮事後乃萬全廟  
堂選世將范氏真多賢仁風被宿麥綠浪搖秦川號令  
聳毛羽先聲落虛弦我家天一方去路城西偏投竿困  
障日賣劍行歸田贈君荆魚杯副以蜀馬鞭一醉可以

起無令祖生先

增記宋王介甫桂州新城記曰儂智高反南方出入十有二州而十有二州之守吏或死或不死而無一人能守其州者豈其材皆不足歟蓋夫城郭之不設甲兵之不戒雖有智勇猶不能勝一日之變也天子於是遂推選士大夫所論以爲能者付之經略而今尚書戶部侍郎余公當廣西焉寇平之明年蠻越接和乃城桂州以至和元年八月始作而以二年之六月成夫其爲役亦

大矣蓋公之信於民也久而費之欲以衛其財勞之欲以休其力以故爲是有大費與大勞而人莫或以爲勤也

安撫使一

增事文類聚曰梁武帝普通六年魏以酈道元爲大使慰撫六鎮大使始此隋文帝開皇九年詔遣柱國韋洸安撫嶺外又仁壽四年以楊素爲并州道行軍總管河北道安撫大使唐貞觀初遣大使十三人巡省天下諸

州水旱則有巡察安撫存撫之名節度使兼之則有副使天授二年發十道存撫使聖歷中秋仁傑爲河北道安撫德宗貞元又置副使宋舊不常置自咸平二年以翰林學士王欽若爲四川安撫使知制誥梁顥爲陝西安撫使安撫使之名始此其後景德三年始置河北沿邊安撫使以雄州守臣爲之而陝西沿邊諸州亦有安撫使慶歷二年詔置湖南安撫使八年詔置河北四路安撫以韓琦王拱辰賈昌朝等充皇祐四年詔廣桂二

州帶經略安撫使熙寧五年罷諸路經略安撫司崇寧  
二年置河南安撫使宣和二年置輔郡內潁昌府帶京  
西安撫使宣和三年睦寇猖獗詔杭越州江寧府守臣  
並帶安撫使洪州守臣依江寧府帶安撫使建炎元年  
李綱請沿河沿淮沿江置安撫使兼馬步軍都總管以  
文臣充二年令將兵處知州帶管內安撫使後省四年  
置鎮撫使罷逐路安撫使後罷鎮撫使置安撫使如故  
時諸路又有安撫大使自兩浙西路劉光世始二品以

上爲帥卽爲安撫大使 遼北而邊防官控制西夏者

有西南而安撫使控制東路者有九水諸彝安撫使南  
而東京有東京安撫使 金初名宣撫後改宣撫爲安  
撫以按察司官兼領承安四年罷宣撫使詎議官 元

松潘容疊威茂州等處有軍民安撫使司隸宣政院達  
魯噶齊安撫使同知僉事各一員碣門魚通黎雅長河  
河西寧遠等處軍民安撫使亦隸宣政院其各處安撫  
使官秩僚屬大略皆同 明初設安撫司正官有安撫

同知副使僉事各一員首領官有知事一員皆係土官  
襲替

安撫使二

增許以便宜 曲赦脇從

事文類聚曰唐馬儉爲并州路安撫大使許以便宜又

曰狄仁傑字懷英突厥人趙定拜仁傑河北安撫大使時民多脇從於賊仁傑願曲赦河北一切不問

帝稱文武 士服威愛

又曰裴行儉字子約儀鳳二年詔爲安撫大使歸至京師將吏

爲刻石碎葉城紀其功帝勞曰行儉提孤軍深入萬里兵不血刃可謂文武兼備矣又曰程裕提以左衛大將軍爲單于道安撫大使禦突厥士服其威愛突厥憚不敢寇邊

全活飢人 體量

官吏

又曰宋韓琦益州路大饑為體量安撫使琦至蜀租稅以募人入粟招壯者刺以為廂禁軍檄劍門

關民流移欲東者勿禁全活飢人百九十萬又曰范雍充陝西沿邊州軍體量安撫使詔所至察訪邊民利

害及體量

錄問繫囚

惠愛百姓

又曰咸平三年以翰林學士王欽若

官吏能否

為并州道安撫大使知制誥梁顥為陝西路安撫使錄問繫囚真宗諭之曰朕觀省風俗尤難其人思之無易卿等各宜宣布德澤使知勤恤至意又曰張燾在蜀四年尤著惠愛百姓皆畫像以事

畫像立

祠遮道拜泣

又曰韓魏公所歷三大鎮皆有遺愛人畫像事之獨魏人立生祠為塑像邊

人尤畏公名凡使契丹及來使者必問韓侍中安否

又曰許汾知鄧州兼荆南西路安撫使在鎮四年一路

獄空者八十縣鄰路飢流詔分賑濟活二

年職皆同

萬有奇百姓遮道拜泣比之召父杜母

# 惠政畢舉

合璧事類曰許汾知揚州言異時帥臣於經賦之外增上供九萬餘斛而民不堪願

如舊額上從之文定公許將公之父也嘗以學士帥維揚年四十五及公之至年職皆同縉紳榮之山堂肆

考曰真德秀為湖南安撫使以周敦頤朱熹等學術勉士罷權酷和糴以甦民立惠民倉社倉慈幼倉惠政畢舉

## 奔民得渡 劇盜來降

又曰景德中丁謂充鄆濟濮安撫使時契丹南牧民

奔揚劉渡舟人邀利不時濟人謂取死因斬於河上詭言取民財者舟人大恐旦夕不敢得濟又曰岳飛知

潭州兼荆湖安撫都總管招劇盜曹成成聞飛將至曰岳家軍來矣即分道而遁飛至茶陵招之不從乃掩擊

大破之成遂來降

## 築館禮士 輸金助國

又曰余玠安撫四川築招賢館以禮

士又曰楊燦襲播州安撫使蜀帥吳曦作亂燦輸金錢戰馬以助國用邊患遂息

## 供帳悉置

官庫 氣象一如盛時

又曰汪立信爲湖南安撫使供帳之物悉置官庫所積錢連歲

代潭民納稅貧無告者予錢粟病者加藥餌雨雪旱潦軍民皆有給賜務興學校士習爲變 又曰李椿知潭州兼湖南安撫使撫厚凋瘵氣象一如盛時歲旱蠲租糶常平米活數萬人

增詩唐李洞送安撫從口彞偶中丞詩曰奉詔向軍前  
朱祀映色鮮河橋吹角凍岳月捲旂圓僧救焚經火人  
修着釣船六州安撫後萬戶解衣眠

宣諭使一

增翰苑新書曰宣諭使舊有之宣諭德意爲職而已不

與軍事渡江後所遣尤數紹興二年冬分遣御史五人  
宣諭東南諸路觀風問俗平反獄訟宣布德意踰年乃  
還六年又遣范右司直方宣諭川陝九年又遣方察院  
庭實宣諭三京皆使者職也時李察院案被旨宣諭江  
西乃專督捕盜平遂罷為廣西提刑是年新復陝西詔  
樓仲輝以僉書樞密院往永興宣諭鄭亨仲以秘書少  
監為參謀予衛卒千人因制置移屯等事宣諭之權自  
此重矣十一年鄭亨仲宣諭川陝始建使名得與邊事

三十一年汪中丞徹宣諭京西湖北得旨撫勞將士體  
訪事宜三十三年虞雍公宣諭川陝乃專招軍買馬其  
年王瞻叔代之亦參軍政蓋自鄭亨仲後其權在宣撫  
之亞焉 續文獻通考曰遼南面雲州設宣諭招撫使  
司其官曰雲州管內宣諭招撫使二員 金元明無考  
宣諭使二

增節制兩路 累奏二策

玉海曰中丞汪澈為湖北京西宣諭使節制兩路軍馬置

司鄂州詔曰凡其所臨如朕親幸 合璧事類曰虞雍公之為宣諭也開幕府於襄陽以為荆襄藩籬實在唐

鄧然勝勢在唐州方城其次在樊城其次光化軍當先  
城新野次鄧州次唐州又開泌河以通漕運藩籬既固  
則襄漢自安此守策也王師進取之路出蔡以睢秦出  
襄鄉以襲許出汝洛出商虢以震河東出商以圖陝西  
此攻策也部分已定累奏以聞而時相欲  
速和議棄唐鄧二州既而朝廷深悔之

### 給親札寶

### 歷賜御寶手書

翰苑新書曰宋呂忠穆公頤浩字元直時諸路盜賊稍息公慮守令不虔

請分御史循行諸路上乃詔三省選強明廉謹之人臺  
察不足則以郎官攝之皆令引對面給親札御寶歷回  
日考其殿最以著賞罰分往諸路並以宣諭為名又  
曰紹興二年遣使宣諭諸路賜以宣諭詔書御寶手歷  
居他官者並攝御史劉大中胡蒙朱異明蒙薛徽言五  
人同入見上諭曰此所下詔令州縣徒挂牆壁皆為虛  
文今遣卿等務令民被實惠守令民之師帥縣令尤親  
於民姦賊之吏必須按察公正奉法之人必須薦舉如

山林不仕者亦當具名以聞平反獄訟觀風問俗等事  
並書於歷朕一一行之非尋常遣使比也五使將行上  
命各賜內帑帛二百凡五使所按吏總七十有九人薦  
士五十有七人而大中所劾多大吏索大中異所舉多  
聞人微言銳於有爲而索大中數言  
公私利病惟胡蒙奉承大臣風旨

宣明上旨 風

示國威 選用儒紳 布宣上意 肅將使指 往厲

士心 裴度宣朝廷之意且雷動於郾城 相如諭父

老之文示風行於巴蜀

俱出翰苑新書

提舉一

增合璧事類曰自衛李悝制平糴之法漢人因之則謂

之常平焉然漢人特置倉而猶領之於大司農也宋淳  
化中建常平倉景祐元年令轉運司與長史舉所部官  
專領之然隸漕臣熙寧遣使提領蓋提舉常平之所始  
也二年制置三司條例司言河北陝西已差官提舉常  
平慶惠倉餘路欲差胡朝宗張復侯叔猷曾誼等並爲  
提舉官九年府界畿內亦專置提舉常平倉一員不令  
司農丞兼領提舉常平操常平斂散之法申嚴免役之  
政令治荒修廢賑民艱阨則隸提舉司歲察所部廉能

而保任之若疲軟或犯法則隨其職事劾奏哲宗時提  
舉常平司掌常平倉免役市易坊場河渡水利之法因  
民之有無歲之豐凶而斂散賑濟之凡役錢視其產之  
厚薄人吏廩祿視其執役之輕重凡市易掌斂市之不  
售貨之滯於民用者乘其貿易以平物價皆舉行其政  
令以裕民力而阜邦財掌按察官吏之事元祐初罷紹  
聖九年復置政和改元詔江淮荆浙六路皆置茶鹽提  
舉一員宣和三年詔河北京東路推行新法鈔鹽可添

置提舉官一員此提舉茶鹽之所始也茶鹽事舊隸發  
運司元豐間或以轉運常平官兼提舉或以提刑兼領  
政和以後始專置官吏既而諸路皆置建炎元年詔提  
舉常平司并歸提刑二年復諸常平官還其糴本自青  
苗錢斂散外常平免役之政皆掌之四年詔逐路提刑  
司茶鹽司並依舊分東西路紹興二年詔荆湖北路復  
置提舉茶鹽司四年詔廣西茶鹽司官吏並罷其職事  
委漕臣五年詔諸路提舉常平并入茶鹽司仍以提舉

常平茶鹽等公事爲名九年置經制司改常平官爲經制某路幹辦常平等公事未幾經制司罷復爲常平官久之復置提舉東南以茶鹽司兼領四川以提刑司兼領紹興十五年戶侍王鈇言常平法望復置提舉官乃命諸路茶鹽官改充提舉常平茶鹽惟四川廣西以憲臣領京西以漕臣兼領仍令檢察所部州有擅用常平錢物者即以聞仍別置官吏 續文獻通考曰遼無提舉職官 金提舉南京路權貸事有提舉同提舉勾當

官等員貞祐五年置提舉倉場司使副使掌出納公平  
及毋致虧販監支納官十六員 元隨處隨事皆立提  
舉司長官設達魯噶齊有都提舉提舉同提舉副提舉  
不俱置 明戶部設寶鈔提舉司提舉工部設大通關  
提舉司提舉南戶部設龍江提舉司提舉各布政司設  
河渠提舉司提舉同提舉副提舉鹽課市舶俱設提舉  
司提舉洪武初設太倉黃渡市舶司又設於福建浙江  
廣東後俱罷

# 提舉二

增庾臺

慶元制

庾政

合璧事類

上聖德詩

又曰張商英提舉京西南路常

平等公事上元豐聖德詩一百二十韻上曰卿不廢學如此耶

上常平數

彙苑曰謝師稷遷湖

南提舉常平赴闕奏事上曰卿到任後有民間利害奏之無隱湖北郡常平多所侵用文書類載虛數而已公悉爲覈實上奏乞自今諸郡主管官秩滿並以實數付之新至者朝廷可其說自是遇有水旱皆贍給

役書可法

合璧事類曰鮮于侁熙寧初范鎮舉所知除利漕兼提舉常平上曰鮮于侁定利路役書

可爲諸路法

風力世濟

又曰王銑風力世濟臨事精密爲湖南提舉茶鹽移淮東

拯

飢民行荒政

彙苑曰朱熹提舉浙東時浙飢公條具利害奏請拯救活飢民無慮數千萬在任按

劾賊吏舉行荒政一路肅然

延父老問疾苦

又曰潘德麟遷江東提舉入境發賊吏一

人故相有爲請者不聽竟按逐之行部所過延見父老問疾苦及吏治得失所過肅然

提舉三

增詩宋周益公送邢懷正赴江西倉使詩曰大江西畔  
米流脂斂散新陳倚繡衣旂展春山千嶺暗霜飛暑路  
萬艘歸朝家法備農商信臺府官閑案牘稀廬阜虎溪  
天下景未妨行部擬柴扉 楊誠齋送蔡定夫提舉正  
字使廣東詩曰詔謂正字當居中肯爲朕行綏百蠻梅

花迎笑錦囊古南斗退避文星寒動搖山嶽細事耳約  
東海若收波瀾

都大提舉茶馬一

茶馬御史附

增彙苑曰宋熙寧七年差李杞蒲宗閔成都府買茶河  
西博馬並令杞等提舉置都大提舉及主管同主管元  
豐四年羣牧判官郭茂恂又言茶司既不兼買馬遂立  
法以害馬政恐誤國事乞併茶馬場買馬爲一司從之  
茶馬司始於此 明朱健治平類纂曰明制洮州河州

西寧各置茶馬司其法上馬茶百斤中馬七十斤下馬五十斤而蕃族納差發馬萬四千餘匹以爲常後茶馬法弛自弘治十年至十五年止易馬五千四十三匹都御史楊一清奏復金牌舊制禁私販積官茶四年間共易馬萬九千七十餘匹而茶尚積四十五萬餘斤一清又恐無專官正德初請仍設巡茶御史兼理馬政行太僕苑馬等官並聽提調約束 袁黃羣書備考曰自唐回紇入貢已以馬易茶宋人始置茶馬司明興於四川

置茶馬司一陝西置茶馬司四每三歲遣官選調邊軍  
齎金牌信符差發附近邊族以納馬而運茶於邊以勞  
賞之永樂中始遣御史巡陝西茶馬正統末停金牌信  
符而馬漸不至成化中定差御史奉勅專理正德中楊  
一清頌言金牌差發之爲功奏請復舊焉

### 都大提舉茶馬二

增鈔法

邊用

彙苑曰自趙開行鈔法每茶百斤爲一大引今商人輸引錢市利八百文至紹

興十三年遞增爲十一引時物價騰踴茶商取息頗厚  
明年主管官賈思誠又增爲十一引三百文於是諸場

皆溢額而買馬之數復不如多人但知茶馬司之富甲天下其實所收引錢視建炎倍增後雖破敗不可復減矣又曰司馬公元祐初相置諸路鹽錢法皆復其舊獨川陝茶以遵用未即罷遣使相視去其甚者

# 著科條精揀汰

又曰在昔元豐留神武備摘山市駿具著科條乃詔假司悉遵成憲乃將

使旨實克推行除李起宗制又曰先朝市馬於邊有司俸賞率以駕駘充數紹聖中提舉程之邵始精揀汰又以羨茶轉入熙泰市

## 以產易馬

## 摘山充廐

曰元

符末程之邵名對徽宗詢以馬政邵言戎俗食肉飲酪故貴茶而病於難得禁沿邊鬻茶以蜀產易上乘詔可未幾易馬萬匹又曰除起宗制曰必能為吾備摘山之利得充廐之良

## 深得憲體

## 摘

# 扶姦蠹

明獻徵錄曰明王傅拜御史察馬政悉契端著能聲深得憲體又曰明王瑛為御史出理馬

政摘扶姦蠹  
牧事修舉

### 提舉市舶一

增彙苑曰唐有市舶使以中郎將周澤爲之有廣州市  
舶使宋開寶四年下廣南以同知廣州潘美尹宗珂並  
兼市舶使咸平二年令杭州明州各置市舶聽蕃官從  
便哲宗即位二年始詔泉州置市舶舊制雖有市舶司  
多州郡兼領元豐中始令轉運司兼提舉而州郡不復  
預矣後置提舉而轉運不復預矣後盡罷提舉官至大

觀元年續置建炎初歸轉運司明年夏復閩浙二司賜  
度牒直三十萬緡爲博易紹興二年置福建市舶令憲  
臣兼領又詔令提舉茶鹽司兼領移司泉州十四年命  
蕃商之以香藥至者十取其四又詔沉香荳蔻龍腦之  
號細香藥者十取其一

提舉市舶二

增金山珠海

蠻賫天珍

稟苑曰市舶者其利不貲擁金山珠海天子南庫也市

舶錄曰八蠻之賫五天之珍每歲山積

來遠通貨

梯山航海

稟苑曰掌蕃貨

海舶征權貿易之事所以來遠人通貨物也 又曰扶  
南襟裡安西諸國路險憑危梯山航海飛艎走浪望鼠  
島而三休大舶參 三路歲入 廣南課倍 又曰高宗  
雲指麟洲而一息 問張闡舶

司歲入幾何闡對抽解與貿易以歲計之每歲三百萬  
緡如此三路所入固已不少 中興會要曰紹興二十  
一年李莊爲福建提舉上曰提舉市舶司廣南課倍若  
用非其人則措置失當商不至矣莊可來定議然後之  
任

仁恕不干預

廉潔不暴征

唐書曰盧鈞爲廣州  
刺史南海有蠻船之

利凡爲南海者靡不捆載而還鈞素性仁恕請監軍領  
市舶使以上不干預 李勉傳曰拜嶺南節度使西南  
桑舶歲至纔四五柁勉旣廉潔又  
不暴征明年至者乃四十餘柁

承宣布政使一

參政參議附

增吾學編曰承宣布政使司左右布政使各一人左右  
參政各一人左右參議各一人叅政叅議因事添設無  
定員 布政使掌一省之政參政叅議爲之貳朝廷有  
德澤禁令承而播之以先有司三年率府州縣掌印及  
首領官朝覲於京師陳其屬吏之臧否而聽去留焉十  
年造戶版以登民數田數歲貢學生府州縣衛有差三  
歲鄉試貢士宗室官軍師生以時班其祿俸廩糧祀典  
神祇謹其時祀水旱疾疫災傷請免田租賑貧乏孝弟

行義貞烈請表揚之鰥寡孤獨有養凡供邦國之用曰  
貢曰賦貢有二曰常貢曰暫貢賦有二曰本色曰折色  
凡役二曰力役曰催役皆視其土地豐瘠人民多寡而  
會計之下府州縣必均乃已凡出納錢穀必平凡制用  
必節凡僚屬文武官歲察其臧否而上下其考以報於  
撫按以達於吏部兵部都察院凡諸政務議定而請於  
撫按有總督提督亦如之曰清軍曰分守曰督糧曰邊  
備曰撫民各專事焉官不備則兼領之凡萬壽聖節遣

人朝賀於京師大婚大喪立東宮亦如之天子即位則

左右布政使來見 獻徵錄曰成化丙戌正月奉旨令

各省布按二司堂上官闕員數多六部都察院通政司

大理寺三品以上官各舉所知一二員明著才行實蹟

并堪任正貳以聞銓部仍會同內閣從公酌量定以職

事日後有犯貪墨連坐舉主於是戶部尚書馬昂等各

保舉參政副使郎中等官王銳等五十二員各堪任布

按二司正貳官

承宣布政使二

增明獻徵錄曰潘原明洪武十四年大兵平雲南擇名臣重望者鎮其地以原明署布政使司事與梅思祖同心撫輯民彝安之 又曰程泰爲河南左布政使律已守法以倡僚屬一方晏然 又曰張賢爲山西右布政使威惠並流遠邇悅服長子紀徒步入太原道過曲沃曲沃令見其良苦以一驢送之旣見賢賢怪其跨驢也詰之紀具以實對公怒痛箠紀還令驢仍正其罪云

又曰劉挺爲河南左布政使值寇攘甫息王師凱旋宴  
犒送迎勞費百出挺處之有方優裕周悉不見聲色衆  
服其才 又曰萬觀爲山東右布政使時有蝗災督有  
司捕之且虔禱於神蝗遂息齊民健訟觀計日疏決獄  
爲之清陞左布政使值寇警民大恐觀撫循慰諭日夜  
勞悴百姓賴之 又曰魏榮爲福建布政使常行部歷  
延平郡中不雨者踰月榮齋沐禱壇下澍雨如注上有  
鮮雲一道逶迤里許榮行雨中獨不濡見者異之 又

曰周琮爲參政三任皆名藩而陝西尤爲重地琮治七年所部吏民咸便之 又曰王珪爲山東布政司左參政分守遼海東寧道以誠信撫之除奸革敕境內肅然 又曰袁江爲四川右參政督理糧儲簡書嚴重公兼程之任便道過汴家產頗豐悉讓於弟姪而自置宅纔值二百緡爾抵蜀巡行郡邑無少休息滌祛奸弊殫厥心力 又曰王慎中爲河南參政屬歲大饑天子爲遣戶部侍郎王公以賑貸之慎中承王公檄爲遍歷郡邑

周行鄉井開廩發粟勸分平糴里豪不得侵冒銖髮饑者得食枯潤仆起頌聲載途 又曰陶大年為江西右參政時三巢諸酋連結閩廣羣盜劫龍南大年時主餉餉每先時辦軍即異道至牛酒芻粟無不時給師克有濟一舉殲焉 又曰胡廩為福建右參政福州城河久湮命疏之建伏波將軍祠程明道先生道南堂凡可以化民勵俗者靡不用心 又曰顧福為右參政分司南陽宗藩軍校多不戢每用理斷亦無怨辭撫徠流徙復

業者四千餘戶 又曰羅安爲貴州參政勸分平糴均  
息徭役蠲減煩苛得牧民體 又曰王庭爲江西布政  
司參議所轄九江南康值大旱庭禱於山川曝烈日中  
數日得疾乃上疏乞歸 又曰郭緒爲雲南參議大理  
蒙化諸土官侵賦銀數萬蓋久且隱緒訪而追之其分  
守所至克殄巨盜揚才輩數十人 又曰李奈爲陝西  
參議凡有便於民益於國者靡不盡心爲之明年督理  
河西邊儲邊士賴焉 又曰黃常祖爲山西布政使司

左參議并晉地瘠民貧值歲歉多流亡奏乞招徠聽免徭役三年悉復業 又曰王徽為陝西參議延安民驚不共稅徭以理開諭不施鞭扑徵以萬計 又曰王璠為山西布政司左參議分守冀北道冀北古雲中地匈奴出沒不時戍卒餽餉恒虞不繼公多方調畫邊鎮荷為重

承宣布政使三

增剛直不阿 清忠自勵

獻徵錄曰應履平為雲南布政使尋乞致仕為人剛直不

阿所至祛除奸蠹民多便之且嘗論列時政多見采納  
又曰楊淳爲四川參政時嘗視篆當放支銀五萬或  
曰此可得羨餘公終不肯放支平生以清忠  
自勵慕趙清獻之爲人俸祿之外一毫無私  
奉公憂

職 愛民節用

又曰陳觀爲陝西布政司右參政在陝  
歲餘奉公憂職以廉謹稱一日上忽馳

符徵之時非輯瑞之期而赴召入覲縉紳榮焉 又曰  
夏寅爲山東右布政敬簡以容愛民節用有屬以興作  
者不聽曰勞而不怨乃可  
威望凜然 廉聲大著  
又曰李祺爲廣西左布政使廣

西地極南徼溪洞獠獠時出剽掠邊氓苦之祺至而威  
望凜然徂伏深阻不復出爲民惠境內晏安政務修舉  
又曰豐慶爲河南右布政使廉聲大著風裁振於郡  
邑一日行部有一知縣蓋簋不飭聞慶至大懼以白金  
爲燭餽之踰數日公謂之曰汝燭不燃盡出之以  
易可然者自今無復爾矣知縣大恐棄印綬而去

務寬恤

多所緒正

又曰蕭省身為河南右布政使時仍歲旱蝗省身一務寬恤吏民服

其長者考最例給誥命省身陳父年八十餘願以給父上嘉而從之 又曰吳愈為河南右參政兼理屯田時

田多為藩府乾沒及勢家中官漁取莫能致詰愈嘗省鈎校多所緒正

羣吏斂手

諸

邑敬憚

又曰王俊民為雲南右布政清案牘勤聽斷羣吏斂手曾有詔徵滇產黃金丹青甚亟俊民恐

民受擾每就中寬假雖見忤使者不顧 又曰胡賓為山西布政司參議分守關南駐金州去寧夏之日軍民環泣遮留至不得行至金州見居民獷悍百務廢弛因痛繩以法行縣廉得漢陰白河兩令不法狀按如法諸邑憚

崔陞雪山

段正福星

又曰崔陞為四川參政與僉事曲銳齊名蜀人

語曰崔參曲僉屹如雪山 又曰段正為參政汝寧江西聞其再來多瀝酒相慶都憲三原王恕素慎許可至

稱為一道福星

風教大行 威聲遠邇

又曰閭欽為河南右參議盜息民安風教

大行撫按前後凡六諭薦又曰王光祖為陝西右參政分守涼州兩居塞徼威聲遠邇蠻彝懷服

刺

舉惟當

撫馭有方

又曰周晟參湖藩所至刺舉惟當凡利民事不擇劇易視其力所及

而為之又曰朱貞為四川布政司參議奉勅總督松潘等處糧儲舉措以便民為務撫禦有方剽掠遂息

黃宏加俸 陶照賜金

又曰黃宏為江西布政司左參議會徭賊作亂上命都御

史王公統兵征之王檄宏監軍督餉有功詔加俸一等

又曰陶照為四川參議時藍鄂作亂蜀人驚擾先是

照過新都新都道衝而無城照慮無守即日命城之城畢而寇至人賴以安以平鄢功授從三品俸加賜金綺

襟宇闊達 存心仁厚

又曰陳士啟為山東布政司右參政士啟襟宇闊達不察

察以爲明不苛急以責效待下常采其所能而舍其小過又曰謝佑爲山西右布政使莅官慎勤存心仁厚

凡所設施務使民沾實

惠澤甚博

所活無算

又曰

惠前後志操始終如一

爲江西布政使政持大體庭無私謁惠澤甚博公帑不

濫動一錢

又曰李渭爲雲南左參議濬松溪水灌田

萬餘頃城晉寧安寧二州以翼金碧時湏用兵

興除

久疫癘大作渭爲藥與糜食貧民所活無算

利害

禁戢豪強

又曰段正爲江西參政時嶺北九江多盜南昌湖西多訟分歷剿治芟鉅

易於破竹而大利害興除尤力又曰華津爲參政分

守河東道搜剔利弊罷行惟允發私賄以正官邪禁戢

豪強親爲講授

諭以禮讓

又曰祝顥爲山西參政廣選俊秀充生徒親爲講授

諸生呼爲祝夫子

又曰冒鑒爲福建布政司左參議分守建寧道甌寧有異母兄弟爭家財連年不決鑒委

曲諭以禮讓禍  
福遂和解如初

### 捕壽寧賊

### 撫汀漳寇

又曰顧夢圭  
為福建布政

司左參政閩多峻嶺夢圭觸冒炎霧行部千餘里寇掠  
連江入壽寧萬山中官兵至賊散藏無迹兵去復出夢  
圭訊得所匿盡捕之又曰陳策為福建參政汀漳寇  
方熾策往征之道經同安巨寇賴世浩勢尤猖獗策首  
降之遂攜以臨汀漳汀漳氣奪降者爭出見策因撫  
而諭之眾咸稽首歸命策皆遣之汀漳安堵如故

### 二童侍行

### 單車就道

又曰張文奎為山西左布政使  
惟攜二童以行俸金亦以貯庫

又曰韓邦靖為山西左參議分守  
大同單車就道草屨奸平獄權家紋手

### 鄭湜賜冠帶

### 賈恪錫寶鏐

又曰鄭湜為福建布政司左參議賜冠帶  
襲衣復命舉所知因薦同郡王應等五人

後皆授參議有聞於時又曰賈恪以薦擢山東布政  
司右參議召至便殿宣諭德意賜寶鏐千貫為道里之

費

承宣布政使四

增詩元趙孟頫次左轄相公韻奉寄行臺徐公詩曰盡  
日沉迷簿領書何時重得賦閑居已無夢想懸金印豈  
有文章到石渠白髮故人霜柏在黃塵遊子斷蓬如舊  
遊憶在吳興日自採谿毛膾白魚周伯琦賦得灤河  
送蘇伯修參政赴任湖廣詩曰清灤悠悠北斗北千折  
縈環護邦國直疑銀漢天上來搖漾蓬萊雲五色蛟龍

變化深莫測金蓮滿川淨如拭鑾輿歲歲兩度臨雨露  
同流草蕃殖長亭短亭來往人朝夕照影何嘗息相君  
親授臨軒勅紫駟嚼齧黃金勒却從江漢望龍岡三疊  
晴虹勞夢憶明高啟送沈左司從汪參政分省陝西  
汪由御史中丞出詩曰重臣分陝去臺端賓從威儀盡  
漢官四塞河山歸版籍百年父老見衣冠函關月落聽  
雞度華嶽雲開立馬看知爾西行定回首如今江左是  
長安謝榛送張給事仲安擢蜀中參政詩曰暫停軒

蓋離人醉忽聽河橋去馬嘶悵望那堪春草徧勞歌不  
盡夕陽低天開鳥道三秦外地入蠶叢萬嶺西抗疏只  
今憂轉切幾回清夢到金閨 李攀龍送羅大參之任

山西詩曰雁門句注九關通地接燕山帝業雄使者汎  
舟從絳水將軍轉餉入雲中分藩忽壯朝廷色開府深  
懸保障功晉國莫強兵馬地股肱何但數河東 吳國  
倫送徐行父少參赴關內詩曰咸陽天下險洛邑天下  
中潼關睥睨周西東君自三州歷三輔分陝經營王命

同登車慷慨千人雄矯若八翼凌蒼穹左馮翊右扶風  
漢關秦畿指顧通爲將匣裏雙龍劍擲作天邊二華峰

御定淵鑑類函卷一百九

謹案卷一百八第三頁後五行其軍城鎮守捉皆有使而道有大將一人刊本守下脫捉字又一訛二據合璧事類增改


第七頁前一行帝狩梁州刊本誤作得梁州據唐書增改

第七頁前二行以鎮兵三萬助討賊刊本脫助字據合璧事類增

第十一頁後八行呂元膺改河中節度刊本中訛

西據唐書及合璧事類改





總校官庶吉士

臣

張能照

校對官檢討

臣

王福清

膳錄監生

臣

孔廣枚